

中 國 醫 改 進 研 究 會
山 西 太 原 省

醫 學 雜 誌

中 華 郵 政 特 准 掛 號
認 爲 新 聞 紙 類
民 國 十 五 年 四 月

第 三 十 冊

山西醫學會

本雜誌啟事

凡訂閱本雜誌者望先寄費空函訂購恕不作覆

代派本雜誌辦法

- (一) 凡個人或團體代派本雜誌十份者贈閱一份二十份贈閱二份以上類推
- (二) 凡代派本雜誌須先繳費一半餘按期遞繳若到期未清恕不續寄
- (三) 凡願代派本雜誌者須有妥實介紹人

外界投稿簡章

- 一 各界投稿凡有關於醫藥衛生等學術者本會極其歡迎
- 一 凡經本會編入雜誌之稿計每一稿奉贈雜誌一冊每稿一冊之內登兩三稿亦奉寄送一冊
- 一 凡永久贊助本會特別熱心或贈送書籍諸君本會按期寄送一冊
- 一 投寄稿件務請繕寫清楚圈點句讀
- 一 收受各稿本編緝處可以酌量增刪如作者不願他人增刪亦請預先聲明
- 一 所投稿件未經登載者恕不奉還
- 一 各醫藥報界有願與本會雜誌互換者本會極表同情
- 一 會內外諸君有翻譯東西最近發明之醫藥學投刊者本會尤為感綴

醫學雜誌第三十期

目錄

附設醫院十五年二月中西醫診治人

數及比較表

專著門

靈素生理新論 續

楊百城

新攷正經脈俞穴記誦篇 續 張壽頤

論說門

張仲景姓名事迹攷 續

郭象升

古代腦學之闡明

楊百城

研究醫書之私意

時逸人

論 任脈為病其內苦結
男子七疝女子癢聚

張壽頤

第三十期 目錄

論方宜

翟冷仙

纂述門

(生理類)

腦之生成

楊百城

天癸末義

周禹錫

(衛生類)

張榮庵先生存書

(病理類)

纂輯中西解剖病理

楊百城 輯
趙意 空

莫枚士研經言下利解書後張山雷

(診治類)

(診法)

色脈篇 續

楊百城

脈訣圖微 續

楊星垣錄

(治法)

治病序例

楊百城輯
趙意空

(治療各稿)

治傷寒營氣虛弱症

佚名

通外竅而利內竅

謝少昂
陳蓮峯錄

伏氣春溫之治法

沈仲圭

熱嘔治驗

前人

溼瀉似瘡治愈

劉蔚楚

腦漏證治愈

錢文廣

氣虛呃症厥逆治驗

胡大宗

(藥物類)

早服金雞納霜之害

楊志一

甘草宜重用說

沈仲圭

蚌殼粉治胃病之研究

黃國材

(方劑類)

莫枚士研經言桂枝加芍藥生薑人

參新加湯解書後

張山雷

莫枚士研經言天雄散解書前

醫案門

中醫關於化學病因上之治療案

砒毒

楊百城輯
趙意空

通訊門

全國教育聯會議決請教育部明定

中醫課程並列入醫學校規程案

徐相宸君上教育部力爭國醫加入

學校系統電

時逸人君上教育部力爭中醫加入

學校系統電

周小農君會全國中醫學會

周小農君內部中醫營業領照暫行

規則

劉蔚楚君答周小農論醫者宜審類

症之異同

譯叢門

胃潰瘍之治療

楊永超譯

雜俎門

診斷禍福二則

楊星垣錄

星期徵稿選刊

問經閉兼患暑溫

石泰峨

赤白痢戒酒說

趙一齋

針灸討論會選刊

針灸功用與藥餌等

徐世長

針刺赤遊風之經驗

李樾平

續聘名譽會員

錢文廣 安徽廣德縣城內一區區立第二國民學校

陳益生 江蘇常州縣學旁

翟冷仙 江蘇東臺縣何垛鎮火星廟巷陳寬甫轉

周顯霆 河南醫藥研究會會長

王合三 河南醫藥研究會副會長


陳益生 江蘇武進

周純嘏 松江西門外黑魚衝

更正二十七期第四頁第六行

許士彬 誤刊爲許紹武

中醫改進研究會附設醫院二月份中西醫逐日診治人數比較表



專著門

靈素生理新論 續二十九期

理事

楊百城

第三章 形氣篇

第十五節 論營衛之生會

經云。人受氣於穀。其清者為營。濁者為衛。營在脈中。衛在脈外。營周不休。五十度而復大會。此所謂五十度指下衛晝行陽二十五度。夜行陰二十五度。言故於營曰營。周不休。陰陽相貫如環無端。衛氣行於陰二十五度。行於陽二十五度。分爲晝夜。太陽主外。太陰主內。各行二十五度。平旦陰盡而陽受傷矣。謹繹經旨。闡明人生氣血生化之源。蓋以胃者水穀之海也。水穀入胃。氣海真氣蒸發之而變化生穀氣。變化清者為營。濁者為衛。其始渾合穀氣。至此而分。氣海者。是不啻穀氣化分之所也。及其化分。營由脈中行。溢於諸絡。為陽之守。衛由脈外行。達於膚表。為陰之衛。各走其道。上行積於臆中。與宗

氣並居。宗氣積於膻中。搏而不行。其動也應衣。貫肺循喉以司呼吸者也。一呼一吸。宣五穀味。吐濁氣而吸清氣。於時營也衛也。大會於肺中。津液合。化經所謂中焦受氣取汁。變化而赤。謂之血。是也。營衛歷一晝一夜。大會於手太陰肺。宣五穀味。變化爲血。以奉心臟。是又不啻以手太陰肺臟爲營衛二氣化合之所也。難經云。肺主氣屬衛。心主血屬營。陰陽相貫。相隨上下。如環無端。觀此則換氣轉血之理。內經詳之。難經復申述之。我國古昔時代。已闡發無遺。明萬歷二十四年。西人有哈佛氏者。發明血液循環之理。醫界爲之一變。其說曰。心內分左右四房。皆有管竅爲生血迴血之用。血受炭氣則紫。回行至心右上房。有一總管接回血入心中。落右下房。又有一總管運血出而過肺。被肺吹去紫色。遂變純赤。還入心之左上房。落左下房。又有一總管運血出行。遍於周身。復迴於心。其云心上三總管及心內四房。即中國所謂三毛七孔是也。而所論血液循環之理。亦卽內經營衛交會於手太陰肺及心主血脈之說也。

誌

雜


學

醫

第十六節 論先天真氣及後天精氣變化氣血之原因及種類

人稟先天之真氣。得後天之精氣。滋養發育。而變化以生。後天之精氣。本於穀氣。尤賴先天真氣之原動力。發生真火。蒸氣四佈。而五臟六腑。遂如雨露之溉。水穀之氣。化分爲二。曰營曰衛。爲人生生化之原。衛氣內走臟腑。外達皮毛。其上出之氣。出於口鼻。著於漆石。則爲水焉。其在口舌。則爲唾焉。其在於目。則爲淚焉。其在於鼻。則爲涕焉。其在於耳。則爲垢焉。其在臟腑外層。則爲涎焉。其熏膚潤肌。出於皮毛。則爲汗焉。其下出者。則爲溲焉。凡此皆衛氣之所變化也。營氣一晝一夜。與衛氣大會於手太陰肺。陽津陰汁。交相感觸。變而爲血。其理已詳於營衛生會篇。無庸贅述。若夫精則含於血者也。髓則生於精者也。皆腎主之。腎中天一之陽氣。化而爲癸水。男女皆有之。女子之乳。亦由於天一之水。故女子乳子。而癸水不行。凡此無非先天之真氣。及後天之精氣所變化也。

如圖



第十七節 論血之功用

血者水穀之精氣所生也。生化於脾。總統於心。藏受於肝。宣佈於肺。施泄於腎。灌漑一身。目得之而能視。耳得之而能聽。手得之而能攝。掌得之而能握。足得之而能步。臟得之而能液。腑得之而能傳。注於脈。少則澁。充則實。常以飲食曰滋。故能陽生陰長。取汁變化而赤為血也。是故血足則形盛。血貧則形衰。吾嘗論之。血譬則水也。氣譬則風也。風行水上。有血氣之象焉。血為氣配。故氣者血之帥也。氣行

則血行。氣止則血止。氣溫則血滑。氣寒則血澀。氣有一息之不運。則血有一息之不行。故人之一身。血以濡之。氣以煦之。兩者不相失也。

第十八節 論血行之動力

人身有三大要經。曰呼吸。曰消化。曰循環。其在人身。出入心臟。而循環不已。無一刻或停者。則血是也。西人謂血流有定向。心臟以排之。動脈以輸之。靜脈以承之。還流而迴於心臟。峇需二十三秒時。即血行遍及全體一週。又謂心壁肌肉。自能伸縮。謂之心動。殆以此為血行動力之所緣起也。我國學說則異於斯。經曰。呼出心與肺。吸入肝與腎。蓋以氣之出入與血之轉換。惟呼吸之力是賴。故不主心壁。肌肉之伸縮力。而主胸中大氣之搏擊力。經曰。其大氣之搏而不行者。積於胸中。命曰氣海。出於肺。循喉嚨。呼則出。吸則入。是謂呼吸為大氣所司。呼吸之行。實由大氣行之。大氣在胸中。積而不行。而呼吸無一刻停者。其動力使之然也。所謂搏者。正以見大氣之搏力。即吸呼之動力矣。且更進而論之。大氣亦謂之宗氣。經曰。

宗氣積於胸中。出於喉嚨。以貫心脈而行呼吸。此又見大氣在胸中。且以貫心脈焉。是則心之發血。脈之輸血。其與大氣更有莫大之關係者在。蓋人一呼則脈行三寸。一吸則脈行三寸。呼吸定息。脈行六寸。考訂息數及脈之至數詳見脈搏節下與西說血行一週略需二十三秒合時亦脈者血之道也。脈行即謂血行。而呼吸實所以行之。呼吸之動力為大氣所司。斯血行之動力亦必大氣所司矣。譬如電機。此動彼應。經以一搏字形容大氣。其曲盡大氣之妙用如此。據此則前人所謂氣行血行者。非謂大氣以氣帥血而行。實以力運血而行也可知矣。是不可以不辨。

第十九節 論血有輕重之區別

人之所以生也。氣為主。血為輔。氣為重。血為輕。血有不足。可以漸生。若氣不立。則人即死。然考人周身毛竅之內。有孫絡。西人謂之毛細管孫絡之內。有橫絡。西人謂之靜脈管橫絡之內。則有經焉。西人謂之動脈管經與絡皆有血也。是又有輕重之別焉。孫絡橫絡之血。起於胞中之血海。其血熱肉充膚。澹滲皮毛。皮毛之外。肺氣主之。皮毛之內。肝

血主之。若經脈之血。則主於手厥陰心包。乃中焦取汁。奉心化赤之血也。血海之血。行於絡脈。男子絡唇口。而生鬚鬚。女子月事以時下。皆此血也。心包之血。行於經隧。內養其筋。外榮於脈。皆奉心化赤之血也。血海之血。多出不死。心包之血。多出即死。西人謂靜脈管中之血。多出即立斃。是又絡脈之血為輕。而經脈之血為重也。經云。陽絡傷則吐血。陰絡傷則便血。此血海之血也。一息不運。則機鉞窮。一絲不續。則霄壤判。此經脈之血也。血氣二者。乃醫之大綱。學者不可不察也。

新考正經脈俞穴記誦編

名醫張壽頤

肝足厥陰經脈循行經文

肝足厥陰之脈。起於大指巖毛之際。上循足跗上廉。去內踝一寸。上踝八寸。交出太陰之後。上膈內廉。循陰股。入毛中。環陰器。抵少腹。俠胃屬肝。絡胆。上貫鬲。布脇肋。循喉嚨之後。上入頰額。連目系。上出額。與督脈會於顛。其支者。從目系下頰裏。環唇內。其支者。復從肝別貫鬲。上注肺。

〔考正〕叢毛之際。今甲乙靈樞叢皆作叢。壽頤按說文雖有叢無叢。玉篇雖以爲叢字之俗。然許叔重以聚訓叢。知叢字本以聚爲正義。則叢字從艸從聚。會意。不可謂爲俗字。况叔重且謂叢字從取得聲。則叢字形義聲三者皆備。更非俗字之無理無義者可比。玉篇之說。或出於後人附會。恐非梁時顧氏舊本。至康熙字典。則引唐韻謂叢乃叢之俗。然唐韻久佚。非康熙時所可得見。蓋亦本於廣韻。漢書息夫躬傳。叢棘棧棧。已有此字。更不得與六朝北魏之俚俗譌體同日而語。此何可以說文所無而鄙之。脈經太素皆作叢毛。是皆古時舊本之一証。茲據以訂正。王本素問陰陽離合論篇。厥陰之表名曰少陽之注。又作叢毛。則卽叢字之譌耳。是可証啓玄所見。亦作叢字也。際字。太素本無。則以下句之上字。連上句讀。義亦兩通。環陰器。各本皆同。惟靈樞環作過。壽頤按環有環遶之義。亦猶胆足少陽之脈繞毛際。過則但經過之耳。字義不同。靈樞非也。茲據甲乙太素脈經千金訂正。上注肺。太素靈樞如此。甲乙脈經千金肺

下皆有中字壽頤按此足厥陰脈之所以交接手太陰脈者。但注於肺而已與屬肺之太陰脈會。固不必注入肺中也。茲依太素訂正。

肝足厥陰經脈循行歌

肝足厥陰在大指。爪甲鬣毛脉所起。循依足跗上之廉。拇指內邊骨縫是。踝前一寸折上延。此經本走兩陰前。上踝八寸有交互。讓出太陰退後邊。上膈內廉復循股。環繞前陰少腹部。從茲夾輔胃之旁。肝胃相依木與土。此處屬肝又絡胆。藏府經脈統色涵。（叶上聲音齒）上過膈膜行身旁。脇肋部居非泛泛。復行自上到喉嚨。頰頰相連日系通。出額達巔會督脈。肝陽易動此其蹤。一支從目下頰裏透行唇內亦其係。歧支又自肝間分。交手太陰周復始。

〔注〕肝足厥陰之脈。起於足拇指爪甲後鬣毛之際。其井穴即在鬣毛間甲乙經外台所謂三毛中者是也。直行足跗上廉。即大指內側筋骨間。本經之行間太衝穴也。又向後至內踝骨前一寸之中封穴。乃折而上行於脛骨前廉在

太陰少陰兩經之前。迨上過足太陰之三陰交穴。又至踝上八寸。乃交出太陰之後。以上至膝臑內廉。卽本經之曲泉穴。又上循陰股內廉。卽本經陰包五里二穴。乃出於氣衝下之陰廉。過足太陰之府舍。循本經之台脈。環繞前陰。上抵少腹。會合任脈之曲骨中極關元。從此內行。俠胃而上。此胃病所以易與肝病相因。木土關係。誠非無故。卽於此間屬肝絡胆。以與本藏本府相爲聯屬。其外行者。則布脇肋。以出於本經之章門期門。故兩脇肋同爲肝膽分野。其內行者。直上者。則上貫膈膜。由肺胃二系之後。上入喉間。〔喉嚨卽肺系頰頰亦作吭。是卽胃管。〕又直上以連目系。復出於額。上達頂巔。而會於督脈。此又足厥陰脈一綫直上之道路。宜乎木火不藏之時。肝駭上凌。爲病極厲。惟此爲行裏之脈。不在肌肉之間。故無俞穴可言。又其一支。則從目系分別。以下頰裏而環於唇內。此亦無俞穴者。又其一支。則卽從屬肝之處。分別上高。直接肺手太陰經。而十二經脈。如環無端。周而復始矣。

肝足厥陰經脈俞穴分寸歌

足之厥陰起大敦。指甲後叢毛真。此亦陰經所出井。太陰隱白與爲鄰。循指內邊骨節縫。所流爲榮行間動。本節之後太衝來。踝前一寸中封踵。「中封在內踝前一寸。踵音種接也。」蠡溝絡穴少陽通。踝上相離五寸中。上到中都又二寸。更行一寸太陰逢。「中都。在內踝上七寸。又上一寸。乃交過足太陰經。經脈篇所謂上踝八寸。交出太陰之後者也。」膝關之俞蓋骨近。犢鼻下端有二寸。膝內橫紋是曲泉。厥陰脈入屈膝診。「章忍切。音軫視也。」膝上四寸陰之包。股內筋間隱有槽。五里股陰導動脈。摺紋之下試推鼓。「五里。在股陰橫紋下一寸。」股內紋頭斜向裏。陰廉之穴近羊矢。氣衝直下二寸離。去中二寸動脈是。「羊矢非穴名。在胃足陽明經氣衝穴下一寸。卽股陰摺縫之上。肉中隱隱有核者是。謂之羊矢者。蓋以象肉核之形得名。亦卽足陽明經氣衝穴條中之所謂良谿也。」從茲斜上氣衝外。旁出五分急脈在厥陰大絡按之堅。引係臬丸此鍼芥。「急脈爲臬丸

之係。與晷丸相引。如磁之引鍼。珀之拾芥。」上尋急肋訪章門。側臥肘尖盡處捫。臍上旁開有六寸。少陽脈會是其垠。期門肋縫肝之募。巨闕兩旁三寸五。「巨闕中行任脈穴。在鳩尾下一寸。」厥陰俞穴此爲終。一十有四從頭數。

肝足厥陰經脈俞穴分寸考

大敦。在足大指端。去爪甲如韭葉。及三毛中。壽頤案甲乙經外台原文皆如此。然既云去爪甲角如韭葉。又曰及三毛中。則此穴究在爪甲之角。抑亦在爪甲後之鰲毛中。殊不分明。惟據足少陽經之終。曰貫爪甲出三毛。而足厥陰經之始。亦曰起於大指鰲毛之際。則此穴蓋不在爪甲之兩側。而卽在爪甲後如韭葉之鰲毛中。故甲乙經外台。皆不言其任爪甲內角或外角。甲乙經及三毛之及字。蓋是衍文。或謂井穴多在指端爪甲之角。此穴不當獨在甲後。然腎足少陰之井涌泉。亦不在指端。已開一例。且陰經之井。多在指端內側。惟足之拇指。已有太陰之隱白。在爪甲內側。則厥陰井穴。退後一步。庶不重複。足之三陰。厥陰居前。太陰居中。少

陰在後。則大敦起於甲後毛際。從此向後。以至內踝骨前一寸。轉而上行。正是太陰經隱白大都太白諸穴一系之上。路徑亦自可想。而自明以來。乃謂大敦之穴。出於爪甲外側之角。殊屬無據。考刺腰痛論。少腹滿刺足厥陰。王啓玄注謂太衝主之。在足大指本節後內間同身寸之二寸陷者中。脈動應手。則是經行於大指內間。古有明文。可証馬玄台謂大指內側爲隱白。外側爲大敦之說。直是杜撰。而醫宗金鑑亦承其誤。不可信矣。行間在足大指間動脈應手。陷者中。壽頤案外台原文如此。甲乙經則無應手二字。言之皆不甚分明。今尋核拇指本節骨節縫間內側。自有動脈。按之應手。極爲清晰。再証以王啓玄所謂太衝穴在本節後內間。則本節骨縫內側之動脈。即是行間之穴無疑。馬玄台乃謂在兩指歧縫中。而金鑑承之。亦謂在大指次指歧骨縫間。俱認作大指外側者非是。太衝在足大指本節後二寸。或曰一寸五分。陷者中。壽頤按甲乙經原文如此。外台則本作本節後二寸半。今證以王注素問刺腰痛論。謂在足大指本節後內間二寸。則二寸

是也。賴有啓玄此注內間二字。而藉以糾正近五百年大指外側之誤。此古書之所以大可寶也。中封在足內踝前一寸。仰足取之。陷者中。伸足乃得之。蠡溝足厥陰絡。在內踝上五寸。別走少陽者。中都足厥陰郄。在內踝上七寸。筋中與少陰相直。壽頤案甲乙經文如此。外台則作中郄。一名中都。膝關在犢鼻下二寸。陷者中。壽頤按此在膝內側犢鼻之下。非指胃足陽明經之犢鼻穴。曲泉在膝內輔骨下陷者中。屈膝乃得之。壽頤按金鑑謂在屈膝橫紋頭。陰色在膝上四寸。股內廉兩筋間。壽頤按金鑑謂股內廉有槽中。五里在陰廉下。去氣衝三寸。陰股中動脈。壽頤按王啓玄謂在毛際外。羊矢下一寸半。陷中。臥而取之。動脈應手。陰廉在羊矢下。去氣衝二寸。勤脈中。壽頤按金鑑謂在羊矢下。斜裏三分。急脈。壽頤按甲乙外台皆無此穴。惟素問氣府論。謂衝脈氣所發者。厥陰毛中。急脈各一。王啓玄注。急脈在陰髦中。〔壽頤按髦當作毛。以前明顧氏仿宋嘉祐刻本如是。姑仍其舊。此蓋宋刻之誤字。〕陰上兩傍。相去同身寸之二寸半。按之

隱指堅。「壽頤按隱指當作應指。蓋亦舊刻之誤字。」然甚按則痛引上下也。其左者中寒。則上引少腹。下引陰丸。善爲痛。爲少腹急。中寒。厥陰之大絡。通行其中。故曰厥陰。急脈卽畢之系也。「其左者中寒五字疑有誤。」蓋出於中誥圖經諸書。考太素亦言厥陰毛中急脈各一。但上文無衝脈氣所發一句。楊氏亦無注語。醫宗金鑑卽据王注素問。以補入足厥陰穴俞中。茲仍金鑑。章門。脾募也。一名長平。一名脇膠。在大橫外。直臍季肋端。足厥陰少陰之會。側臥屈上足伸下足。舉臂取之。壽頤按明堂圖。此穴在臍上二寸。兩旁各六寸。金鑑仍之。李瀕湖奇經考。謂在季肋骨端肘尖盡處。帶脈所起。故金鑑亦謂側臥取肘尖盡處是穴。「大橫足太陰經穴」。期門。肝募也。在第二肋端。不容傍一寸五分。足太陰厥陰維之會。舉臂取之。壽頤按甲乙外台皆言此穴上直兩乳。然不容爲足陽明經穴。去中行任脈二寸。期門二穴。既言在不旁一寸五分。則去任脈爲三寸五分。與兩乳之去中行四寸者。不相直矣。各本多以爲上直兩乳。非是。

論說門

張仲景名姓事跡考

郭象升 允叔

醫 學 雜 誌

仲景自叙傷寒論云。余宗族素多。向餘二百。建安紀元以來。猶未十稔。其死亡者三分有二。據此。知傷寒論之作。在建安十年之內。范書稱張羨以建安三年叛表。陳志稱表攻羨。連年不下。羨病死。長沙復立其子懌。所謂連年不下者。約畧建安三年至建安十年內外也。范書稱劉表遣兵攻圍破羨。平之。無連年不下。及長沙不叛表。則又復立其子懌等語。不究其終。陳志詳矣。久不載羨以何年叛表。始也。使仲景非羨。則其官長沙太守。當在建安三年以前。而傷寒論一書。既系銜長沙太守。又叙中自言建安紀元。猶未十稔。明其為將近十年之語。而非建安三年以前可知。若謂陳志連年不下一語。為期固長。然不能斷定羨懌父子之亡。確為何年。安知張懌之後。韓玄之前。不別有張機其人耶。此則余更有說矣。按魏志桓階傳。張羨叛表。階實勸之。所以應曹操也。階傳稱太祖與袁氏連戰。軍

醫 學 雜 誌

未得南。而表急攻陷羨。羨病死。城陷。階遂自匿。此傳不立長沙人復立羨子惲。史文固時有詳略耳。袁紹以建安七年死。其子譚尙等與曹氏連戰。又二年。建安九年。操始破鄴。又後二年。始斬譚尙。以階傳所載揣度之。羨之死。正在此數年中。傷寒論叙所云建安紀元。猶未十稔。確然為張羨之語。羨即機。機即羨。不客。建安十年之前。別有一張機者。作長沙太守也。劉表雖外貌儒雅。而心多疑忌。語見陳志新去一。南陽人之張羨。又用一。南陽之張機。有是理。哉。羨之所以書叛者。以其初本表所著置也。建安紀元之初。羨當在荊州牧幕府。何以知之。陸氏所補張仲景傳。稱仲景少時。見知于何顯。既至京師。為名醫。於當時稱上手。見侍中王仲宣。時年二十餘。曰。君有病。四十當眉落。半年而死。今服五石湯。可免。仲宣不用其言。後二十年。果眉落。一百八十七日而死。王仲宣者。粲也。其官侍中。在建安二十一年。曹魏建國之初。次年從征吳。道病卒。仲景見仲宣于漢京師乎。則不為侍中。見仲宣于魏京師乎。則年非二十餘。且去其死期。亦無二十年。皆紀事之不審也。考陳志粲傳。粲年十七。司徒府將不

就。乃之荊州依劉表。建安二十二年卒。年四十一。就建安二十二年。倒除去二十一年。則建安二年。仲宣年二十一。正居荊州依劉表時也。仲景相見當在此時。使仲景不作劉表之客。固無由與二十一歲之王仲宣相見。使張羨。非仲景。則與劉表本無宿昔。謂之叛。何歟。抑張羨之爲南陽人也。官長沙太守也。當建安時也。古今讀史之人。誰不見之。而卒無一人疑其即是仲景者。豈非病羨之叛亂。謂仲景不至此耶。以余論之。羨之叛。特叛表耳。非叛漢也。豈惟不叛漢。又且以叛表者。忠於漢。桓階傳曰。太祖與袁紹相拒於官渡。表舉州以應紹。階說其太守張羨曰。夫舉事而不本於義。未有不敗者也。故齊桓率諸侯以尊周。晉文遂叔帶以納王。今袁氏反此。而劉牧應之。明府必欲立功明義。全福遠禍。不宜與之同也。羨曰。然則何向而可。階曰。曹公雖弱。仗義而起。救朝廷之危。奉王命而討有罪。孰敢不服。今若舉四郡。保三江。以待其來。而爲之內應。不亦可乎。羨曰。善。乃舉長沙及旁三郡。

升按他傳曰。言零。陵。桂陽。而此云三郡者。疑有武陵。以拒表。遣使詣太祖。太祖大悅。夫曹操雖爲漢賊。而建

安初年。未有逆迹。叛劉應曹。未為非也。仲景有道之士。何必不出。此乎晉之殷仲文。唐之許敬宗。宋之高若訥。皆奸邪小人。而醫術皆精絕。人品與技能。從來固不相掩矣。假使仲景。屈疆不順。懷恨而叛。如英雄記之。所言亦不足為其醫學之累。况乎乃心王室。大義昭然哉。晉代名醫王叔和。有字無名。千載昧昧。今儒餘杭章太炎始從他書展轉考求。知其名曰熙。見所著漢微言余撰此篇。其亦醫林千載未發之覆也夫。

陸懋修所作張仲景傳又載華佗讀傷寒論善之曰此真活人書也。華佗之死。史不言及年月。本傳稱魏太祖愛子倉舒病困。太祖歎曰吾悔殺華佗。今此兒強死也。考鄧哀王冲即倉舒也傳冲以建安十三年歿。則佗之死。必在十三年之前。傷寒論成於十年以前。佗庸當見之。自記

古代腦學之闡明

理事 楊百城

我國內經靈蘭秘典篇分臟腑為十二官。而各臟各腑之配合定。然當時實分兩

派。故五藏別論。又傳二腑之名。斯固有於十二官外。別樹旗幟。而獨成一家者也。顧吾嘗論之。由前之說。所謂十二官者。心也。肝也。脾也。肺也。腎也。心包絡也。大小腸也。胃也。膽也。三焦也。膀胱也。而以心爲君。歷古之醫士從之。而後一說遂廢。由後之說。所謂二府者。腦也。髓也。骨也。脈也。胆也。女子胞也。是奇恒之府也。胃也。大腸也。小腸也。三焦也。膀胱也。是傳化之府也。而以腦居首。近今之醫士然之。而前之說幾翻。溯自道咸而後。西醫輸入。而腦氣筋之說。遂盛傳於中土。海內之士。濫故知新。羣然欲通古時之兩派。融中西於一爐。以進醫學。此其時矣。况解剖之術。今則圖書爛然。他山之石。何非攻玉之資。是我所闕者。不妨以彼說補之。彼所略者。不妨以我說參之。欲通其郵。先從腦始。方今二十世紀。正文化交通之時。學術本不分國界。又何中西之有。

五德循環。迭爲終始。豈非運會使然歟。人事有然。其在醫事。何莫不然。中醫所以不言腦者。亦以疾病之關於腦者。固已該括於十二經之中。則凡各經各臟各腑。

之病。其感觸於腦者。從各經各臟各腑治之。卽所以治腦。試就仲景傷寒一書言之。以太陽經始。以厥陰經終。太陽之經脈。交巔絡腦。厥陰之經脈。從巔入腦。何一不與腦關涉者。惜乎治傷寒者。自成無已之後。百十餘家。無一人發其秘焉。此腦病說所由知者寡矣。今取古今學說。疏而證之。而腦病學理。庶幾晦而復顯乎。

研究醫書之私意

名譽理事 時逸人


吾國古今來之醫書雖多。以鄙人之私意衡之。大約可分四派。(一)爲發明派。如本經、內經、難經、傷寒、金匱等書是。(二)爲編集派。彙集成章。如千金、外台、聖濟準繩、集成、類按、綱目、金鑑等書是。(三)爲學生派。編訂一書。原供自己參考之用。如必讀、心悟、淺註、指掌、說約等書。以及近今出版之醫書。大半類是。(四)爲言論派。一孔之明。千慮之得。予智自雄。滔滔辨論。前之金元四家。後之明清八家。皆是之類也。若黃坤載、張隱菴、喻嘉言、葉香岩、徐靈胎之徒。觀其遺著者。皆知有鼓吹之作用也。而香岩得章虛谷、王孟英、吳鞠通輩。竭力揄揚。故呼聲尤高。折背叟曰。學

22

生派之書。可供初學入門之研究。而言論派之書。縱之。必能啓悟心得之發明。廣之以編集派之書。以資其參攷。進之以發明派之書。俾得其指歸。此學醫之能事畢矣。倘前後之次序錯亂。必致以錯傳訛。是非莫辨。奴主之見。冰炭不投。中國醫學之調劑難。職是故耳。至於此外尙有二派之書籍。不可不知。〔一〕爲經驗派。是書多質真無文。惟言用方治病而已。間有效如桴鼓者。亦有毫無效驗者。蓋古人有金匱石室之藏。非真秘藏之也。即真假夾雜云爾。視人之學識如何。自探其蘆山真面。世多俗子。慧眼何來。金玉棄如砂石。識者惜焉。〔二〕爲鼓吹派之書。詭譎而談。詞多枝葉。如有一得之明。尤可說也。乃竟或以捕風捉影之空談。作嚮壁虛造之讒語。其詞之工。其文之暢。持之有故。言之成理。可以感人。可以眩世。若究其實用。洵覆瓿之不足。世間流傳如是之書籍。豈少也哉。願吾同志者一選擇之。

論任脈爲病其內苦結男子七疝女子癡聚

名譽理事 張壽頤



原件短缺

P 23-24

近來世界交通。五方雜處。而五方之人。水土之剛柔。風氣之強弱。資稟之偏勝。各有不同。未可一律施治也。故客遊治病。與治遊客之病。其法懸殊。設遊藝他方。須察其地之風土習慣。方始合宜。故經有一病而治各不同。地勢使然之語。圓機之士。能於是觸類旁推。匪特行之方內。雖廣諸異域。可以無間然矣。

東方發育之地。土膏氣澤。冬鮮凜冽之寒。四序常行春令。俗尚華而少寔。病多熱中。疎理而無真中風寒。即使外感內傷。總由理疎邪入中。熱氣傷所致。詳熱中疎理四字。已道盡東元氣病情矣。按吳越皆居東方。而江南元氣最薄。病則虛熱居多。溫順爲宜。苦寒切禁。江北則接壤東魯。其間元氣虛實兼半。寒熱補瀉隨宜。江左地氣稍厚。畧覺奈病勝藥。江右則南近閩粵。內連荆楚。得火土之餘。是以不任溫補。然亦不勝峻攻。惟清理中外爲宜。大抵東方所稟孱弱。其宗東垣復菴。而丹溪則宜於江之左右。新雨則偏宜江南。若河間戴人之法。非西北資稟剛厚人。斷斷不效也。

南方長養之處。陽盛氣泄。窮冬恒服絺衣。四序常行夏令。繆仲淳云。陽燠既泄。則使人本氣不堅。民雖緻理。而霧露不時蒸發。人觸之者。未免多瘧痺之患。其稍不緻者。則有瘧癘之虞矣。卽居恒無病之人。氣多上壅而少下降。以故時嚼檳榔。唾皆赤色。故有天蠻不下雪。地蠻不落葉。人蠻口唾血之謠。其患瘧癘之證亦發熱。顛脹胸滿嘔逆。與傷寒相似。但治法與傷寒迥異。感之輕者。但食檳榔。祛散滯氣。胸膈寬舒卽愈。重則必需芳香正氣。虛則開發中氣爲主。若誤發表。則陽氣愈泄。表氣愈虛。邪乘虛擾。熱愈無底止矣。凡嶺南烟瘴之鄉。恒多霧露。罕見日色。嵐溼。蠱毒感之必內應溼土。中氣先傷。故瘧癘之治。與疫氣彷彿。但廣粵正向離明。黔滇斜臨坤位。咸多濕熱氣蒸。閩雖未逾梅嶺。已得南方氣候。水土皆泄而不收。縱有大頭瘟蝦蟇瘟等疫。悉屬陽邪。其毒亦易解散。非若北方之地脈堅厚。陰邪積而不發。發則且發夕死。如疔瘡。黑骨瘟等症之暴絕也。

西方收引之界。金沙之域。地高土厚多風。四序常行秋令。其俗剛毅而不阿。其民

不衣而褐薦華食而脂肥則知西蜀稟賦與關西無異然蜀直指兌澤元氣與人
文俱厚有三峽倒流之勢關西正當北斗地氣與人材俱偉有倚劍崆峒之槩以
其材質俱備表裏俱充故邪弗能傷之也惟是內氣壅盛故病宜毒藥如西城倒
倉子和涌下等法觀內經病生於內治宜毒藥一方風氣主治了無餘蘊矣

北方閉藏之境陰盛氣沉春夏草木不生四序常行冬令民稟坎水而生故常以
水爲事且性好乳食所以臟寒生滿則內因之證也至於樂野處冒風沙歷冰雪
其寒可以斷指裂膚反不言傷寒之病者以緻理慣拒嚴寒雖有大風苛毒弗之
能害即得傷之其氣堅固不能使入於裏故感之輕者但需鷄湯麩食助其肝質
其胃自能祛邪作汗若傷之重者竟行辛熱表散裏氣壅滯者便與峻攻非若東
南之元氣瘠薄投劑稍重即變證叢起也其有腎氣素勞之人邪乘虛入而爲卒
中之患者是必峻用溫補然煤火內蘊須兼苦降之味以防火炎竭澤之虞蓋煤
爲水土之精人食其爨長氣於陰中之陽所以力能壯火傷陰不可不預爲調制

復有車塵馬足之勞。不內外因之候。又宜導氣和中。不宜升發溫補。若以南方內傷勞倦例治之。愈益其壅滿矣。然燕與晉魯皆北。燕則左河右岱。地氣最厚。魯雖偏居良宮。風氣已北。晉抵關西。惟一河之限。元氣之充實。大率相類。其治亦相類。中央正中之位。水土平濕。萬類各得其和。四序各行其令。民雖食雜不勞。而多痿厥寒熱者。良由水土平溼使然。以其食雜不勞。元氣平治。所傷亦輕。故導引按蹻。便可愈之。不必毒藥內治。鍼石外治也。然此言平氣所致。若傷寒卒病。亦不可拘於此例。蓋中央雖居正位。四維八埏之氣。皆得干之。所以仲景有寒熱補瀉之不同。立法皆隨病制宜。以爲天下萬世則。而於中州更宜。按仲景爲南陽聖醫。吏治長沙。皆不離洛楚之地。夫洛與楚皆居中央。而楚則交界江右。稍偏於南。所以一切溫補。皆爲掣肘。以其地氣渾厚。民多溫飽。是以不須補益。洛則水土平濕。平濕則氣柔。氣柔則受補矣。經言治所以異而病皆愈者。得病之情。知治之大體也。

纂述門

(生理學)

腦之生成

理學 楊百城

欲言病理。須先究生理。腦之生成。我國在軒歧時代。業已闡明之矣。經脈篇。人始
 生。先成精。精成而後腦髓生。蓋以人之始生。由於父母之兩精相搏而成。決氣篇
 所謂兩精相搏謂之神也。及其成也。腦髓即隨之而生。先構成人身主要部分之
 骨幹。脊骨成所以為輸髓之徑道。頭骨成所以為藏腦之器官。於是五官百骸以
 次生成。而人體悉備矣。以西說證之。胚胎之成也。卵細胞與精絲會合。遂呈分裂
 現象。一裂為二。而四而八而十六。如是倍數分裂。愈裂愈多。凝成球形。稱曰胚球。
 胚球陷入。成爲壺狀之體。名曰胚囊。其周壁分內胚葉。中胚葉。外胚葉三層。中樞
 神經系統之根源。即發生於外胚葉之深部。因絞榨而不與外胚葉相連。遂成

兩端閉塞之管。名曰髓管。髓管之上端膨大。下方成圓柱形。上端之膨大部。遂成髓脊。而成腦。下方之圓柱形。遂發育而成骨髓。〔爲成人之中心管〕。緣此觀之。中西論腦之生成與由來。固相同也。而中醫推本窮源。又以命門爲重。命門在十四省椎之下。逆數之則第七節脊椎也。內經曰。七節之旁。中有小心。其重視命門可知矣。蓋以命門者。乃人生臟精系胞之所。腎生精。而腎系繫於此。胞藏精。而胞蒂結於此。三焦主周身之膜。而焦源根於此。豈非人生生命之本乎。命門屬腎。難經闡明腎間動氣曰。此五臟六腑之本。十二經之根。呼吸之門。三焦之源。一名守邪之神。所謂神者。即元神也。與身俱來。在元氣元精之先。即生元也。此神胎於腎。舍於心。游於腦。而人之壽夭死生。皆於此驗之。生元足則壽而生。身體健康。百邪退聽。生元不足。則夭且死。身體萎弱。百邪來侵。所以曰守邪之神也。

按胎生初期。髓管上端之發育。先生三腦胞。畧爲腦之分界。曰前腦胞。中腦胞。後腦胞。繼則前腦胞兩側漸生大腦胞。後腦胞上部亦生最後腦胞。又漸向前。

成彎。曰頭彎。項彎。橋彎。茲將腦胞變化列表如左

腦胞變化表			
腦胞	胞壁	胞壁	胞壁
大腦胞	側腦室	大腦半球	大
前腦胞	第三腦室	視神經床	前
中腦胞	大腦導水管	四疊體 大腳	中
後腦胞	第四腦室	小腦橋腦	後
最後腦胞	第四腦室後部	延髓	腦

天癸末義

名譽會員 周禹錫

讀賀君澤堯著天癸原義。指天癸為男女分泌之精。旋著天癸真義。又指天癸為生精腺。換言之。為男子之精液。女子之濾胞液。更詳述生理上病理上之種種作用。種種徵象。其義已詳備無遺。而細參之。似猶有未盡之餘蘊。存焉。僅就管見所及。用質高明何如。

素問上古天真論曰。女子二七而天癸至。任脈通。太衝脈盛。月事以時下。故有子。

丈夫二八而天癸至。精氣溢瀉。陰陽和。故能有子。此至字爲分泌開始作用之義。已詳天癸新義中。無庸贅述。今就天癸之字義解之。

癸。水也。在地固爲有象之水。在天當爲無形之炁。此炁乃父母所界。靈樞本神篇曰。初生之來謂之精。〔卽指精蟲與卵珠〕兩精相搏謂之神。〔卽指男女天癸〕兩神相搏。〔卽天癸作用〕合而成形。此神字喻天癸作用。何等明顯。當其兩神相合受炁之後。此炁即潛伏於兩腎之間。所謂天一生水。在人爲腎。難經又謂七節之旁。中有小心是也。自有生以來。得後天水穀之精氣。日以資生。充長。男子十六。女子十四歲時。此炁較養方足。且有發生愛情之良能。故易爲情欲所牽動。天癸勃然。遂呈反應作用。下注男子翠丸。女子卵巢中。鼓盪精液。合化爲水而溢瀉。故曰精氣溢瀉。此精字卽指男子翠丸中製造之精液。氣字卽是天癸。恐後世不明此義。特得精氣二字並用。是精被天癸鼓盪而溢瀉之義。又天癸爲陽炁。精爲陰液。炁液化合。則氤氳而發生萬物。故曰陰陽和而能有子。至女子則天癸到此

時強盛鼓動胞中貫通任脈任脈既通太衝脈亦盛盛滿則溢故月事以時下岐嶺聖人洞觀內景知此炁爲天一真炁未動則爲氣既動則爲水虛後人猶或未明其真象假借天癸二字形容備至而代表之古人取義會神字精意允可謂造乎其極矣茲恐仍懷疑點試取西人最新學理以證之。

男女生殖器中含有兩種性男子第一性卽由睪丸產造精液以道其交媾之目的女子第一性自卵巢產出卵球以完其受胎之大職〔費君指生殖腺爲天癸蓋卽男女第一性不知尙有第二性方爲天癸作用之確據也〕至於第二性如男有男子之氣概女有女子之神情男生鬚女長乳男聲低而粗女聲高而細以及男女身體構造之不同兩性發生愛情慾念等皆屬之但男女之第二性何由而來蓋男子睪丸除造精外還有一種內分泌腺〔此腺卽承受天癸化真炁爲水液者〕此腺液直接輸入血中以分布於全體而發達男子之第二性如變聲生鬚是也〔老年鬚白面焦情慾滅絕此天癸竭盡無真炁化生第二性腺液故

也。一女子卵巢除每月產卵外。更將遺物另行組織之。而成一種黃體。此黃體中含有一種內分泌腺。此腺中黃液即天癸爲真炁所化者。女子十六七歲。生殖腺猶未發動時。取此液注入血中。立即發育。即天癸分泌作用之效也。一腺液入血周行全身。於是即有女子第二性之表現。如長乳等是也。此種男女之內分泌腺。司胆那氏名曰青春腺。此腺必待男子二八女子二七之時。始得發展其作用。一西人有講長生不老術者。待男女春機發展時。用手術將此腺割去。使天癸不能下注腺中。而生慾念永爲混元不洩之體。雖有精液已冷而無情。此天癸爲男女第二性之鐵案也。一此即男女天癸至此。始發生作用也。奈西人只據形而下者之科學。以求形質之作用。而不知氣化之由來。所以僅能發明天癸已動之情。而不能探尋天癸未動之性。終不及我國哲學形而上者之謂道。既精且密。蓋由科學進步甚稚。烏得與歧黃並駕齊驅哉。然用以參證中學。未始不善也。今再用人情上實事以證之。

未完

(衛生類)

張稟庵先生存書

續二十九期

恬淡虛無。真氣從之。精神內守。病安從來。

素問

道貴長存。補神固根。精氣不散。神守不分。然即神守而雖不去。亦全真。人神不守。非達至真。至真之要。在乎天玄。神守天息。復入本元。命曰歸宗。

素問遺篇

劉溫舒曰。內三寶即神氣精。一失其位。三者皆傷。三者同守。故曰元神也。神如去則死矣。然雖在其體中。而守位者亦非守位而全真也。神不守即光明不足。故要守真而聚神光。乃可以修真。真勿令泄。方爲知要。人在母腹。先通天玄之息。是爲玄牝。名曰谷神之門。一名胎息之門。人能忘嗜欲。定喜怒。又能所動隨。夫玄牝之息。絕其想念。如在母腹之時。命曰返天息而歸命。迴入寂滅。反太初。還元胎息之道者也。人有諸疾。守位之神。可入玄中之息。而歸命之真。全神之道。可久觀耳。

自來腎有久病者。可以寅時面向南神不亂思閉氣不息。七徧後。餌舌下津令無數。同上

劉溫舒曰仙家嚥氣。可以深根固蒂。以子腎受母肺氣也。嚥下氣令腹中鳴至臍下。子氣見母元氣。故曰反本還元也。久餌之。令深根以固蒂也。故嚥氣津者。此名天池之水。可久餌之。資精氣血。盪滌五藏。洗溉玄海。一名離宮之水。一名玉池。一名神水。不可唾之。但可餌之。以補精血。可益元海也。

張景岳曰此即養氣還精之法。閉氣者。即所以養氣。餌津者。即所以益精也。

按黃庭經曰。華池清水灌靈根。根者腎。水者津也。

肝藏血。血舍魂。脾藏榮。榮舍意。心藏脈。脈舍神。肺藏氣。氣舍魄。腎藏精。精舍志。靈樞生之來謂之精。兩精相搏謂之神。隨神往來者謂之魂。並精而出入者謂之魄。所以任物者謂之心。心有所憶謂之意。意之所存謂之志。因志而存變謂之思。因思而遠慕謂之慮。因慮而處物謂之智。故智者之養生也。必順四時而通寒暑。和喜

怒而安居處。節陰陽而調剛柔。如是則邪僻不至。長生久視。同上

天之在我者德也。地之在我者氣也。同上

醫 兩神相搏。合而成形。常先身生。是謂精。同上

按此即朱真人所謂領取生身受氣初者是也。

學 虛其欲。神將來舍。掃除不潔。神乃留處。管子

思之而不捨。內困外薄。不早爲圖。生將巽舍。食莫若無飽。思莫若勿致。節通之齊。

雜 彼將自至。同上

聖人與時變而不化。行物而不移。能正能靜。然後能定。定心在中。耳目聰明。四肢

詰 堅固。可以爲精舍。同上

形不正者德不來。中不精者心不治。正形飭德。萬物畢得。翼然自來。神莫知其極。

昭知天下。通乎四極。是故曰。無以物亂官。無以官亂心。此之謂內德。同上

凡心之形。自充自盈。自生自成。其所以失之。必以憂樂喜怒欲利。能去憂樂喜怒。

欲利。心乃反濟。彼心之情。利安以寧。勿煩勿亂。和乃自成。折折乎如在其側。忽忽乎如將不得。渺渺乎如窮無極。此稽不遠。日用其德。同上

其往不復。其來不舍。謀乎莫聞其音。卒乎乃在其心。冥冥乎不見其形。淫淫乎與我俱生。不見其形。不聞其聲。而序其成。謂之道。同上

凡道無所。善心安處。心靜氣裡。道乃可止。同上

彼道之情。惡音與聲。修理靜意。道乃可得。同上

按長沙張百靈云。靜坐宜堅木榻。若身體轉動聞響。則傷神。見所著補天鏡

敬除其舍。神將自來。精想思之。寧念治之。嚴容畏敬。精將至定。同上

按凡支家皆內思存想。初無真物。迨久久神息凝定。則惟恍惟惚之中。自覺其中有物矣。精想二句。發盡秘籙。

察和之道。其精不見。其微不醜。平正擅胸。論治在心。此以長壽。忿怒之失度。乃為之圖。節其五欲。去其二凶。不喜不怒。平正擅胸。凡人之生也。必以平正。所以失之。

必以喜怒哀思。是故止怒莫如詩。去憂莫若樂。節樂莫若禮。守禮莫若敬。守敬莫若靜。內靜外敬。能反其性。性將大定。同上

尹注。二凶過度之喜怒。

按管子此節。精純粹美。本末俱該。兼有儒釋之奧。

凡人之生也。必以其歡。憂則失紀。怒則失端。憂悲喜怒。道乃無處。愛慾靜之。遇亂正之。勿引勿推。福將自歸。同上

按聰訓齋語云。人常和悅。則心氣沖而五臟安。昔人所謂養歡喜神。曾有鄉人過百歲。或叩其術。答曰。予鄉村人無所知。但一生只是喜歡。從不知憂惱噫。此豈名利中人所能哉。

又廣陽雜記曰。精生於喜悅。智慧生於精神。

又按延壽新法曰。能遇事斂氣。尤屬衛生要旨。且晨起宜沖和涵養。怡悅性情。前人詩云。仙家要訣戒晨噴。肝氣調和可養神。此二語大可尋味。

又偉人修養錄曰。人生世間。不可一日無樂。無樂則不能生活。然樂可分爲二種。一爲肉體之樂。一爲精神之樂。精神之樂。邵子所謂容未嘗憂。快不至醉。收天下春。歸之肝肺。佛氏所謂一切俱空。物來不受。無愛憎。無喜怒。一切平等。得大解脫。乃能得之。若役役於境。總爲肉體。未有能樂者也。

(病理類)

纂輯中西解剖病理

理事 湯百城 輯

中國醫士解剖上之手術

脫疽

續名醫類案云。一蜀蕘左足指患一泡。麻木色赤。次日指黑。五日足黑。冷不知疼。痛脈沉細。此脾胃受毒所致。以飛龍奪命丹一服。翌日令割去。足上死黑肉。割後骨始痛。可救。遂以十全大補湯治之而愈。蓋黑肉乃毒氣之盛。而拒截營氣所致。况至陰之下。氣血難達。經云風淫末疾。卽此是也。向若攻伐之。則邪氣愈盛。乘虛

上侵。必不救。

續名醫類案云。海山驕淫無度。強併民居田宅婦女。竟占山更之半。陸宣子者。山東名醫也。有一富室妾。忽足小指間生瘡。狀類細米。瘡頭早白。根如熟棗。臍臍挈挈欲墜。聞平湖名。延之視曰。此粟米瘡也。與人面瘡等。七日毒上升。遍體腐爛。成黑水死矣。君欲生之。當急斷其指。斷之愈。海山亦生是瘡。屬宣子視。宣子仍前言。海山大怒欲殺之。楚人丁維章以外科有名。出入禁內。海山邀之至。告以宣子語。且曰。公視我瘡無恙。吾必殺之。維章熟視曰。殺我可也。何尤宣子。今已過三日。毒上升矣。公欲活也。斷瘡尚可。海山瞋目曰。其然。三問應聲如響。海山喟然曰。我命在公矣。顧左右取戣刀。伸足曰。斬。左右駭慄。海怒罵使斬。遂斷一腿。維章手提海山髮。倚柱坐。海山面黃氣絕。維章曰。可速召前醫者。宣子至。視其地。一腿尙自起。跳躍。黑血淋漓。命取人參一斤。濃煎灌其口。少頃海山甦。顧其足曰。嗟呼。別足刑已重矣。何辜而別膝。幸公治我。我自今後庶幾可以無後患。問四十九日。而右膝

毒發。復生。入而瘡。醫曰不可再活矣。海山不數日死。凡所奪氏家產皆散去。其兄乃乞食如初。

按上二則爲脫疽之症。毒氣最盛。肉變黑色。或謂之黑病。醫者以割肉則足爲治。以防其毒上延。採真人云。在指則截。在肉則割。即此意也。又醫案載隔蒜灸亦有效。蓋施之於毒之輕者。並初起時或可耳。

莫枚士研經言下利解書後

名譽理事 張山雷

壽頤按利字。本義原以通利滑利爲主。凡靈素所謂下利。固無一非泄利之利。皆今人之所謂泄瀉水瀉也。後乃加以疒旁。製爲痢字。玉篇廣韻皆曰瀉也。則其字雖殊。義猶未別。此與濕熱積滯之類。類登圍。欲下而不能暢下者。症情霄壤。在內經中。一稱利下。一稱腸澼。顯有區別。今王注本素問。雖多作腸澼。而袁爽秋氏新刻海外傳抄之太素尙皆作辟。未有水旁。考定海黃元同。舊鈔太素經校本叙言。謂是日本舊鈔。每卷後署云。仁安二年某月日以同本寫移點校。其時即宋孝宗

之乾道三年。可知舊本留貽。其來有自。壽頤因此悟到腸辟之辟。蓋即襞積之義。古人以此命名。正以與滑利泄利之利。分清畛域。吾吳俗語。皆知此病爲積。其義甚古。枚士此篇。謂腸澼下白沫。腸澼下膿血。腸澼下血三種。即今之白積紅積腸紅三者。分晰猶爲近是。然白積紅積之爲病。雖日下數十次。而皆不能爽利。豈莫氏猶未能辨其狀態。顧何以誤認快泄洞泄澼泄三者爲同等之病。此其一通一滯。雖婦人小子皆知其情狀之皎然不侔。惟莫氏乃能比而同之。逞一時之意興。而未深思。乃又引王注素問。謂腸澼爲腸門開闢。以爲澼古作辟。啓玄借讀作闢。信爲通利快利之確証。顧案王注此句。今尙未詳出於何卷。然即使王氏果有此注。亦是不識襞積之義。而強作解事。誤認開闢。此公慣於隨意杜撰而不顧其理者。全部素問注中。謬戾鄙陋之處。胡可勝數。啓玄之言。安能徵信。且素問更有心肝澼亦下血一句。假令啓玄去依腸澼之例爲之注解。亦可云心肝之門開闢耶。此必不能通之說也。一心肝澼亦下血者。蓋言心肝之氣有所積滯。則血瘀在絡。乃

有下血之患。此亦當讀爲變積之變。必不可作開關解。自宋以後始以痢字認作滯下之病。幾與泄利分道而馳。此乃後人不講字學之過。然今世所見古本醫書。凡言下利尙止作利。猶無痢字。一據黃氏士禮居所藏宋本許叔微本事方重刻於吳門者。凡下利皆作利。且滯下亦不作痢。則以積滯之腸辟名爲痢疾。其謬猶在元明以降矣。一枚士謂今之痢異於古之利。其說甚是。此不可不爲庸俗正其謬者。然謂古之下。賅今之痢。則立說猶嫌未允。要之下字可賅滯下。而泄利字必不可賅腸辟。難經之所大謂瘦泄者。則以瘕有假物成形之義。是與積滯同意。當卽古之所謂腸辟。亦卽今之所謂下積。所以有名曰後重一句。然難經竟以後重爲五泄之一。置之於自利隊中。此與內經自利腸辟分清兩症之例。不相符合。恐後人已竄改。周秦文字。決不當如是之不辨菽麥。且難經此節全文。頗多可疑。不獨此之一句。頭輯難經箋注。已詳言之。惟仲景書中。乃止言利下之利。而無腸澼之名。但以下重及便膿血二者。以別於爽利之利。此亦讀古人書之所當留

意者不可誤以爲一例之下利也

(診治類)

(診法)

色脈篇

續二十九期

論經以肝臟之色脈起例

理事 楊百城

經云。假令色青。其脈浮濇而短。若大而緩。爲相勝。浮大而散。若小而滑。爲相生也。此經舉色青爲例。以明相勝相生也。青者肝之色。浮濇而短。肺脈也。爲金尅木。大而緩。脾脈也。爲木尅土。此相勝也。浮大而散。心脈也。爲木生火。小而滑。腎脈也。爲水生木。此相生也。經以五色當與五脈相應。特舉一以明生尅之候。使人隅反耳。準此例而推演之。赤色見而脈小而滑。腎脈也。爲水尅火。浮濇而短。肺脈也。爲火尅金。此相勝也。若弦而急。肝脈也。爲木生火。大而緩。脾脈也。爲火生土。此相生也。白色見而脈浮大而散。心脈也。爲火尅金。弦而急。肝脈也。爲金尅

第三十期 雜論門

四十六

木。此相勝也。若緩而大。脾脈也。為土生金。小而滑。腎脈也。為金生水。此相生也。黑色見而脈緩而大。脾脈也。為土剋水。浮大而散。心脈也。為水剋火。此相勝也。若浮濇而短。肺脈也。為金生水。弦而急。肝脈也。為水生木。此相生也。黃為中土。色而脈弦而急。肝脈也。為木剋土。小而滑。腎脈也。為土剋水。此相勝也。若浮大而散。心脈也。為火生土。浮濇而短。肺脈也。為土生金。此相生也。經曰。見其色而不得其脈。反得其相勝之脈。則死矣。得其相生之脈。則病已矣。其斯之謂歟。

論肝腎色脈當病之徵候。

經云。肝與腎脈並至。其色蒼赤。當病毀。不見血。已見血。濕若中水也。

此言色與脈反。而詳診病之不同也。試舉一例言之。如肝之脈弦。腎之脈沉。則肝與腎脈並至。宜乎肝之色青。腎之色黑。其二色當並見也。今則見其蒼。不見其黑。而見其赤。赤者。心臟發生之色。象也。心生血。斯有見血之症兆焉。何者。肝脈而見肝色。必曾有悲怒。當病毀傷。然見腎之沉脈。色雖赤而必見血也。若赤

不徒見而已。曾見血。或口有所吐。或傷處亦有所出。則腎脈亦必不徒見。是當病濕。若中水狀也。正以沉脈屬水故耳。否則色與脈反。甯無諸經之病。互見於中耶。

脈訣闡微

續

名心
理事 楊星垣錄寄

第三篇

鬼真君曰。五臟之病。必以寸關尺為憑。七腑之症。亦以寸關尺為據。然不分晰其精微。又何能盡知玄妙。試觀其寸口也。左寸見浮。風熱上越而頭疼。右寸見浮。咽喉中燥而鼻塞。左寸見芤。胸難藏血而嘔吐。右寸見芤。胃多瘀血而痛疼。左寸見滑。熱痰入心而舌強。右寸見滑。熱痰侵肺而皮折。左寸見實。火焚心而面赤。右寸見實。火生胃而唾乾。左寸見弦。風入體必多頭痛。右寸見弦。風入腸定有筋變。左寸見緊。邪盛而心痛。右寸見緊。氣嗽而肺傷。左寸見洪。心胸起熱悶之燒。右寸見洪。頭腦生炎蒸之楚。左寸見微。心寒而虛弱何辭。右寸見微。氣冷而崩陷難免。左

寸見沉。心君失相火之助。右寸見沉。肺金召寒氣之侵。左寸見滿。心脈火鬱而未舒。右寸見滿。肺金鬱而莫達。左寸見遲。膈中虛乏而難以衛心。右寸見遲。上焦損傷而難以生氣。氣匿于脇間。右寸見伏。氣積於腕內。左寸見濡。膀胱水蓄而不消。右寸見濡。皮毛汗泄而未止。右寸見乳。無血以養心。右寸見弱。乏氣以生胃。左寸見大。心經血燥而怔忡。右寸見大。肺經血乾而閉結。左寸見小。驚悸時生。右寸見小。怯弱日甚。左寸見虛。心中恍惚。右寸見虛。胃內衰微。左寸見細。運行乏力。右寸見細。言語無神。左寸見微。包絡有寒邪之入。右寸見微。胸腕有陰風之招。左寸見急。心疼不免。右寸見急。喉痛安辭。左寸見短。三焦之氣自怯。右寸見短。再宿之食難消。左寸見代。心痛則右寸見代。痰寒則左寸見結。邪搏于心包。右寸見結。邪蟠于胃脘。左寸見促。積聚有煩悶之苦。右寸見促。留滯與痞滿之憂。左寸見革。心氣散漫而不收。右寸見革。肺氣飛越而不返。左寸見動。歡娛姪子之祥。右寸見動。飲食傷氣之兆。左寸見毛。心火動而將刑肺金。右寸見毛。肺火起而將剋肝木。左

醫

學

雜

誌


寸見鈞。心氣安而夢魂適。右寸見鈞。肺氣肅而膀胱通。左寸見堅。邪犯心而呼號。右寸見堅。邪侵肺而咳嗽。左寸見燥。無血養神。右寸見燥。無精定魄。左寸見搏。火太過而焚心。右寸見搏。火太過而燥肺。左寸見石。陰寒直搗于膈中。右寸見石。冷氣逼居于腕內。左寸見散。心有無可奈何之象。右寸見散。肺有但出無入之悲。○試觀其關中也。左關見浮。肝犯風而眼赤。右關見浮。胃人風而渴生。左關見乳。必肝傷而失血。右關見乳。必腸毒而便膿。左關見滑。頭目踵痛堪嗟。右關見滑。脾胃熱焚甚苦。左關見實。痰癖可徵。右關見實。心腹多痛。左關見弦。肝旺生風。右關見弦。脾崩不食。左關見緊。筋脈急拘。右關見緊。糟粕難嘔吐。左關見洪。眼目生花。右關見洪。心腹結痛。左關見沉。必陰寒之癖積。右關見沉。定冷氣之難安。左關見瀉。風邪寒閉。肉氣鬱而有餘。右關見瀉。飲食傷殘。實血虛之不足。左關見遲。兩脇多寒。右關見遲。中焦微冷。左關見伏。關格收藏。右關見伏。霍亂吐瀉。左關見濡。痺症將成。右關見濡。水腫可畏。左關見弱。筋痿宜防。右關見弱。氣短須補。左關見數。肝

醫 學 雜 誌

火盛而目紅。右關見熱。胃火旺而口渴。左關見大。怒氣傷肝。右關見大。狂陽傷胃。左關見小。肝胆氣衰。右關見小。脾胃血少。左關見虛。必益其血。右關見虛。須補其津。左關見微。溫其下元之無。右關見微。煖其氣滯之寒。左關見細。虛脚膝之疲。右關見細。恐肚腹之瀉。左關見急。肝痛而不能眠。右關見急。脾傷而自難臥。左關見代。肝絕而痛則無妨。右關見代。肝絕而安則無救。左關見結。胸滿而痰結于中。右關見結。脾傷而滯氣于下。左關見促。肝無腎水之滋。右關見促。脾無腎水之養。左關見革。氣脫于木旺之時。右關見革。氣脫于土崩之候。左關見動。兩脇有氣痛之愁。右關見動。中焦有火焚之懼。左關見毛。肝木旺而生風。右關見毛。胃土盛而動火。左關見軟。無病之人。右關見軟。加餐之客。左關見鈎。肝血之足。右關見鈎。肺氣之安。左關見靜。優遊享無事之福。右關見靜。舒暢享強食之愉。左關見石。筋得寒而拘攣。右關見石。胃因冷而泄瀉。左關見堅。邪必留戀于經絡。右關見堅。邪必會聚于臟腑。左關見燥。必苦血乾而多恐。右關見燥。必苦液涸而善嘔。左關見搏。防

太盛之中風。右關見搏。虛過旺之狂病。左關見散。筋弛而不能收。右關見散。肢解而不可舉。○試觀其尺下也。浮見尺左。水虧而雙耳齊聾。浮見尺右。火旺而大腸自秘。芤見尺左。小遺多濃血之災。芤見尺右。大便下赤紅之歎。滑見尺左。水入腰而作楚。滑見尺右。痰流足以成痺。實見尺左。膀胱水蓄而不通。實見尺右。溺瀝火澁而難出。弦見尺左。小腹重滯生疼。弦見尺右。腎臟風邪作耗。緊見尺左。耳似彈鳴。緊見尺右。臍同虫蛟。洪見尺左。水熬乾而消渴。洪見尺右。火炎上而夢遺。微見尺左。盜汗淋漓。微見尺右。腸鳴泄瀉。沉見尺左。精冷如冰。沉見尺右。腰寒若水滴。見尺左。陰寒疝結。瀦見尺右。逆冷腸崩。遲見尺左。下焦寒冷。遲見尺右。小腹陰凝。伏見尺左。陽氣不升。伏見尺右。陰氣更閉。濡見尺左。寒濕浸骨。濡見尺右。冷痿中腰。弱見尺左。雙足骨瘦。弱見尺右。兩腿氣乏。大見尺左。腎竭於遺精。大見尺右。命殘于斷喪。小見尺左。水耗無多。小見尺右。火衰不旺。虛見尺左。心腎不交。虛見尺右。水火皆乏。微見尺左。冷入關元。微見尺右。寒通腹裏。細見尺左。體冷脛枯。細見

尺右。命寒精洩。數見尺左。水少而火沸爲痰。數見尺右。火炎而水隨作喘。急見尺左。痛入陰丸。急見尺右。疼添小腹。短見尺左。自無延齡之福。短見尺右。定含怯戰之羞。代見尺左。精敗欲絕。代見尺右。火燥將亡。結見尺左。邪襲水而不散。結見尺右。邪乘火而不離。促見尺左。髓耗而足難行步。促見尺右。火衰而氣不通心。革見尺左。玉關不閉。革見尺右。河車俱焚。動見尺左。定然魂夢多遺。動見尺右。定然陽強不倒。毛見尺左。精耗而龍火將興。毛見尺右。焰騰而命門自熱。軟見尺左。腎弱相宜。軟見尺右。火衰當助。鈞見尺左。陰平之士。鈞見尺右。陽秘之徒。靜見尺左。閉關可信。靜見尺右。守真無疑。石見尺左。精無傾失之慨。石見尺右。陽有退藏之慶。堅見尺左。邪入于骨髓。堅見尺右。邪居于腰膝。躁見尺左。腎難上交于心。躁見尺右。陽且高越于高。搏見尺左。膀胱越熱閉之淋。搏見尺右。咽喉長瘡蛾之腫。散見尺左。腎水欲絕于須臾。散見尺右。元陽將逃于頃刻。此皆六部之請主。亦即各脈之旁通。然而各脈之中。緩急爲要。六部之內。長脈爲宗。脈長而命根深。脈緩而胃



原件短缺

P 53-54

味子山茱萸石斛麥冬山藥丹皮續斷地骨皮車前子溺白堊鼈甲黃蘗知母
青蒿之類
未完

(治療各稿)

治傷寒營氣虛弱証

佚名

前在中州有病傷寒者。外則頭痛發熱。心煩。口渴舌之下牽強。大便秘結。不能食
數日矣。診得六脈浮數。然皆無力。尺部以下弱兼遲象。細審之下。却係麻黃証。但
尺之下遲而弱。似不宜遽用麻黃湯。蓋邪之得人於人也。大抵因虛所致。仲景有
云。尺中遲者。營氣不足。未可驟以汗之。况大腸之脈散於舌本下。舌之下牽強。大
便秘結。此爲大腸血虛風熱之所致也。遂用建中湯。加以黃芪當歸。試與服之。越日
其脈仍未有進。病家均主以汗藥爲請。意且堅。未應其請。仍以建中調營。如是者
三日。尺部之脈漸爲應手。始以麻黃湯連進二貼。服後稍現狂形。其家方驚恐而
須臾即定。畧安睡片時。汗已得矣。信乎調治傷寒。其要者先明表裏虛實。四者再

審以時日。大法備矣。如不講次第。漫以取效。快一時。則五臟雖受其損。雖未必促其壽限。而精神意氣之間。真氣不克復元矣。曷云快哉。何以言之。仲景三百九十七法。均不外表裏虛實。麻黃湯之類。為表實而設也。桂枝湯之類。為裏虛而設也。承氣等湯。裏實之謂。四逆等湯。裏虛之謂。所云陽盛陰虛。表裏俱實者。下之則愈。所謂陽虛陰盛。表裏俱虛者。汗之則愈。此大概治傷寒之情形也。又有所謂急下急汗之病。有未可以時日計之者。此則吾人尤當研究之。

通外竅而利內竅

附少昂

名昂 陳蓮峰錄寄

正合成王望者。冬月外感風寒。少有痛苦。堅不服藥。久之邪亦漸解。頭眩身痛之證悉除矣。詎三旬餘。忽小便不利。小腹暴脹。塗性本慳吝。自覓車前草搗汁沖服。服後點滴毫無。始急而求醫。醫以八正散。猪苓湯之類與之。如石投井。就商於余。據詢其遠因及近狀。始悉外邪寒皮腠。肺主皮毛。金為生水之源。不通。肺氣水道無由直達也。因以麻黃二錢。杏仁二錢。桑皮二錢與之。次日即已通利矣。此亦開

鬼門而利小便之一法也。按太陽為寒水之經。冬月冒邪。正傷寒之本病。雖持不藥之戒。然外證雖退。寒邪已內伏膀胱而為閉矣。蓋亦膀胱氣結之證也。宜辛溫法以麻黃湯加桑皮為導邪達表水從汗化。是宣肺金外達。提膀胱之水而熱化。此正治之妙諦也。

伏氣春溫之治療法

名譽
會員 沈仲圭

余前艸「春溫之病源」〔中醫雜誌十四冊〕謂伏氣之春溫與暴感之春溫。病源各別。蓋伏氣之春溫。由冬受寒邪。蘊伏少陰。歷久化熱。值春陽上升之際。或隨陽氣外出。或由新邪引動。其病自內出外。暴感之春溫。乃溫邪客於皮毛。內應肺金。其病自外入內。源既不侔。治乃迥異。暴感春溫之證治。香岩先生言之甚詳。學者按法施治。已能得心應手。若夫伏氣發為溫病。見身熱口渴。骨節煩疼。少汗不惡風之裏證。而無形寒。頭痛脈浮滑。舌薄白之表象。是故治法宜以清熱益陰為旨。不得仍襲葉氏辛涼解表之套法。柳寶貽生以黃芩湯加元參豆豉。黃芩湯續

醫 學 雜 誌

五十八

泄內熱。元參滋補腎陰。豆豉宣發伏邪。一洵屬藥症相對。惟外感重者。宜加宣發之品。或先祛感邪。繼清內熱。陰分虧者。當用滋腎之味。以托邪外出。此初步治法也。若欲詳知病機。曲應變化。宜將溫熱逢源下卷細加玩味。蓋本書詳論伏氣與「溫熱論治」之發明暴感。相為表裏。不容偏廢。然葉氏之書。經章虛谷王夢隱諸賢之表彰。久已不脛而走。柳氏之逢源。知者極鮮。設非裘君探入三三醫書。不且為廣陵散耶。信夫著述之流播。誠有幸與不幸也。

熱噦治驗

噦。逆而口發聲也。定即俗語所謂吃忒耳。

前 人

醜工某。役於李氏麴院。與麴生為緣。乙丑桂秋中。忽病噦。呃呃連聲。數日不已。來寓求治。按其脉。右手沈數。察其苔。舌心黃色。詢其症。食後呃甚。午後身有寒熱。脈症相參。斷為熱噦。為擬竹茹二錢。橘皮一錢。法半夏二錢。白茯苓四錢。小川連六分。生赭石五錢。柿蒂一錢。以消火降逆。蓋仿橘皮竹茹湯意。去參艸。加苓連。赭石柿蒂。四味耳。閱日來謝云。先生之方。真靈驗哉。一劑服完。呃逆遂止。吾恐其復

發。因再噉一劑以刈根株。按噉有虛實寒熱之殊。內經僅有外治古方。單用柿蒂。濟生加丁香生薑。後人宗之。凡見 呃逆。必用柿丁。究之柿性寒澀。伍藥得宜。猶可。施於熱噉。若丁香之辛燥暖胃。斷不可雜入也。

濕溫似瘧治愈

名醫 劉蔚楚

梁吉銘勞於案牘。赴友人宴歸。不三日遂病。余往診。時在初秋。病人臥床。頭重不能舉。渴不欲飲。乍寒乍熱。有微汗。頻作吐。大便溏。舌苔黃白相兼。脈弦滑。余曰。此濕溫。非瘧也。王士雄論濕溫。引薛生白說。此病中氣實則在陽明。中氣虛則在太陰。邪在二經之表。多兼少陽三焦。邪在二經之裏。每兼厥陰風木。病先因食滯。加以奔走公事。外感於風。論濕病。或雨霧濛襲。或地氣蒸騰。本有由外而受者。在不盡由於外受者。胃滯而水穀不能盡化。留即成濕。現外受風熱。與內濕相引。肺胃不和。故頻欲作吐。濕下溜。故大便溏。濕熱交蒸。故舌苔黃白。濕內留。故渴不欲飲。脾胃同處胸膈中部。運化功用。相需而成。故中氣滯。而少陽經氣亦不能條達。

自如。鬱甚而上逆。乘之以風。故頭重如石也。似瘧非瘧。宜疏風兼解。遂陽明少陽之閉鬱。以甘露消毒丹改作湯劑。滑石綿肉陳各四錢。藿香梗射干連翹木通各錢半。石菖蒲范志神耑各一錢。白蔻仁薄荷各七分。去苓貝加法夏三錢。白芷厚朴各錢半。佩蘭葉二錢。又軟柴胡三錢。知母二錢。以疏運陽明少陽。服一劑病減。次日能起坐於床。乃以舊稻穀三錢易神耑。第二劑去軟柴胡白芷。加竹茹二錢。大腹皮三錢。甘艸三分。芒菓核二枚。金釵斛以仁各三錢。荷梗五寸。西瓜翠衣錢半等。服下至第三日。能會余於客座。至第四五日。能會余公所。至六日。便不用服藥。告余曰。公事正忙。經中西藥未愈。阻擱月餘。幸公愈之甚速也。但當時有疑用柴胡升動少陽。雖愈必發喉症者。余知其過泥於溫熱禁例。因辨明柴胡有三北。柴胡形似老樹根。轉樞直升。軟柴胡形似竹葉。亦入陽明少陽二經。而性止輕揚。配知母治似瘧非瘧甚效。銀州柴胡形似黨參片。清降近於石斛。不過微有疏性耳。君愈幸他患。論者始喟然無疑。

腦漏證治愈

名醫 會員 錢文康

萬春向年近四旬。秉賦素弱。數年前曾患頭痛。時發時止。茲因喪子憂慮過度。舊恙復作。連痛三日。頭部腫大。延醫診治。有云胃火上衝。施以苦寒者。有云肝風上眩。施以香燥者。藥餌雜投。其腫雖消而痛轉劇。腦遂因之以漏矣。余診之時。頭痛喜按。面額色赤。目珠昏瞶。四肢厥逆。鼻流白濁。其味腥臭。咽乾口燥。熱飲不多。穀食鮮進。小便短赤。大便自調。牙齒半開。午前稍減。午後則劇。六脈弦滑而浮。舌苔膩厚而燥。綜病因脈象度之。蓋素患頭痛之人。多清陽不濟。濁陰上干。其腦必虛。加之抑鬱。則心氣不暢。心氣不暢則脾氣不舒。脾氣不舒則精華不佈。血液不生。而肝木失養。復感外邪。觸動厥陰。經云厥陰主風木。其經上達巔頂。夫厥陰之中。見即是少陽。邪中厥陰。從少陽火化。則風火相招。風因火勢。火借風威。風又善行。空竅。上干腦海。故有以上見証。醫者不溯病源。而徒以苦寒香燥治之。不知苦寒燥。香燥竭陰。豈其無濟也。夫頭痛喜按。面額色赤。四肢厥逆者。虛陽上泛之徵。

卷三十一 雜論門

六十一

也。咽乾口燥。熱飲不多。小便短赤者。陰液消耗之徵也。脈弦滑而浮。者。風邪未解之徵也。牙齒半開者。陽明經虛也。早輕晚重者。陽虛得旺而解也。治宜鎮納浮陽。填竅熄風。扶土抑肝。而症自愈。方用當歸五錢。白芍三錢。養肝於朮三錢。扶土。赤白石脂。寒水石。紫石英。等各一兩。取石藥之滴。以堵其肝風上衝之路。龍骨。牡蠣。各一兩。取其潛藏。以收斂其浮越之陽。佐附子二錢。以直達命門。乾薑二錢。從中以接之。葱白三根。上達巔頂。領諸藥達于至高之地。而下入於至陰。尤取鹿茸三分。純陽之物。以固其腦。加甘草一錢。以緩其中。斯即風引湯加日通之意也。原方進二劑。已有轉機。復診去葱白。加潞黨三錢。又進五帖。其恙霍然。乃改用人參養營湯數帖。以善其後。

氣虛呃症厥逆治驗

名醫 胡天宗

汪國雄君之夫人孫氏。年三旬有七。昔因產後月事漸枯。經斷數年矣。歷年常發呃氣。今夏因翁病故。侍奉憂勞。呃發醫治。變為嘔逆昏厥。不飲不語。體僵昏迷。脈

虛沉微。周身肌冷如冰。間或仰臥。囁水。雙目無光。兩手蠕動。循衣。狀若寢屍。診畢。索視前數醫方案。所服皆一派辛溫燥烈。攻破消導之劑。陰虛之體。陽火亢極。消導過甚。陰氣愈消。宗氣下陷。而成虛象。痰熱壅塞。而成昏厥。蓋胃與二腸。上下相連。胃之上口曰贛門。下口曰幽門。二腸分別處曰闕門。下極曰魄門。燥熱隨氣上升。無處不到。斯時痰濁凝滯。腸胃充滿。門路壅塞。三焦之氣。不得流行。以致病險若此。且夕堪虞。殊難著手。重以注君力請。遂書案云。月事幾載弗潮。固知心脾氣鬱。肝木不舒。呃逆常興。今發更劇。腎水既虧。木燥侮土。衝氣上升。而爲呃逆。侍奉勞倦。悲泣神傷。大耗肺氣。內經曰。勞則氣耗。悲則氣消。今宗氣下陷。胸悶不舒。服藥辛溫。降消尅伐。素問平人氣象論曰。胃之大絡名虛里。大氣爲生命之宗。主貫膈絡肺於胸中。原屬上焦陽氣。下陷。立變凶危。如是心無所主。不能上達於膈。則人事昏沉。大氣不潮於舌本。則舌乾唇燥。齒際不語。氣喘不能宣佈於營衛。則膚冷如冰。氣虛燥甚。本無所制。反致梅土作嘔。經云。諸逆沖心。皆屬於熱。腫神無光。

親不見影。經謂氣脫者目不鳴。眼瞤尤多。火灼脾土。重按脈虛沉微。氣耗元神頹敗。當仿時賢張氏衷中參西錄。有升陷湯之議。急圖提氣。參以抑木平嘔。和中益土。主治肌滿。再商加減。并着另煎別直參濃汁灌之。方用台參霜斜赭石各一兩。土炒祁朮野苳神川貝母清半夏六月雪各三錢。山萸肉杭白芍白扁豆各四錢。柴胡桔梗鷄內金各二錢。黃土地漿水煎藥。令先煎好頭渣。用小茶匙徐徐滴入。緩緩下行。多進恐嘔不及。反致氣塞也。藥灌後。夜暮轉溫。二煎灌入。嘔定脚能屈伸。身能轉側。黎明開口。語言清白。次日復診脈起。狂舟挽轉。危症轉機。二診書案曰。昨視症情。勉爲立案。斷爲宗氣下陷。元神將竭。有下脫氣竭之險。故議別直台參培元固脫。葷料養液生津。祁朮止嘔益脾。扁豆升清降濁。楮石白芍斂肝鎮衝。生血。半夏川貝化痰宣發清心。加以萸肉溫腎救脫。茯苓神書鷄獨安神調氣清熱。柴桔載藥上升。地漿水止嘔和中。服後頗中病機。神清嘔定脈起。脾肺腎三經有來復之象。惟視目光無神。腎陰氣弱。原方加熟地四錢。肉桂烏附各三分。同煎。

溫泉上承。仍用地漿水煎藥。着服兩帖。再覘病之進退。服後神氣大振。納食漸增。人能坐起。三次赴診書案云。輕按脈象和平。搏指有力。氣機和洽。可無反變之虞。乘此調和營衛。重議癸水問題。况年餘三旬。月事久斷。緣由心肝脾之氣鬱結。內經云癸水出於腎。癸干所化。是至陰之精。而有至陽之氣。故色赤似血。名曰癸水。即天乙生水。地六成之。若心肝脾有一經之鬱。則地道閉塞。而天癸不通。素問曰。亢則害承乃制。當舒心肝脾之氣。則地脈融和。升降轉還。地氣自得潤澤。再擬乙癸同源主治。必冀重見紅潮。原方加減連診七次。不越補中六君歸脾範圍而收效果。初治此症。如理亂絲。世質火宜瀉。虛火宜補。辨別分清。庶無差誤。如斯險症。又非大劑不可挽回。叮嚀徐徐進藥。最爲緊要關鍵。倘以滿盈灌之。則危矣。

(藥物類)

早服金鷄納霜之害

名醫楊志之

金鷄納霜爲今日普通治瘧之藥品。其發明之歷史。極有研究之價值。當十七世

醫 紀〔卽明末時〕有印度人某患熱病。渴甚不得水。見樹下水溜中有水。強飲之。無何體暢神怡。霍然而愈。後患者聞之。皆踵至就飲。病亦愈。於是詫爲神水。西人究其故。知此水能治熱病。必與樹有關係。迺採其皮。沸煎而分析之。得發明金鷄那霜藥品。惟其治瘡有藥到病除之能。故爲一般人士所樂用。然服之太早。往往流弊百出。如某病家患瘧疾。寒熱往來。口苦胸悶。本就中醫某氏診治。以見效太緩。乃轉服金鷄納霜。急截之。果一服大見效驗。再服其病若失。家人歡欣拜爲妙藥。奈何未逾旬日。腹部漸漸作脹。日甚一日。上氣喘急。竟致不起。嗚呼妙藥固可活人。誤用反足殺人。蓋瘡之爲疾。因痰濕之邪阻于少陽之經。治法宜宣利。不宜截過。今痰濕未盡去。早用金鷄納霜之截過。痰濕無所從出。充滿于腹中。故雖見愈于暫時。終必作脹而殆也。余因得而斷之曰。斯藥用於痰濕盡去之後。以收全功則可。用於痰濕未盡之前。以事截過則不可。

甘草宜重用說

名醫 沈仲圭

甘草味甘氣平。中黃皮赤。甘者脾之味。黃者脾之色。赤者心之色。故爲心脾二經之藥。脾爲後天之本。甘乃土吐之正。故能培補脾土。而他藏府咸蒙其利焉。又能瀉心藏之火。解百藥之毒。而爲瘍科重要之藥品。惟性極和平。少量難見功效。吳鞠通曰。甘草之性最爲和平。有國老之稱。坐鎮有餘。施爲不足。設不假之以重權。烏能爲功。故愚意一次常量必須二錢。恒見醫生所用祇數分耳。盃水車薪。奚濟於事。或畏其味甘。甘令人滿。不敢多用者。吾謂功用所在。正因其甘。獲益蒙害。亦視用之者何如耳。豈得歸咎於甘艸耶。矧甘草與茯苓并用。微特不資滿。反能瀉滿。此陶隱居所以謂其有健脾除滿之能也。

蚌殼粉治胃痛之研究

名譽會員 黃國材

自來慢性胃神經痛。及慢性腸神經痛。均無根治之法。惟以麻醉劑。僅能遏止一時耳。愚曾診治多人。能受溫補者。按症調治。亦能吉痊。然間有復發者。必二三年後。因體質衰弱而然。若不受溫補者。雖如法調治。僅愈於一時。難免復發。近見患

是症者。往往以蚌殼燒灰服之。立可止痛。然初不解其理由。及查牡蠣成分。爲碳酸石灰。能中和鹽酸。則知蚌爲牡蠣類。其成分自相同。嗣有是病者。命服牡蠣。亦收同一之效。可見患是病者。爲鹽酸過多症。又見患是病者。服重碳酸曹達亦驗。蓋以其善解酸汁及胃中粘液。蚌亦有此性。是以見效。由是以觀。蚌灰可代重碳酸曹達之用。可無疑義矣。

(方劑類)

莫枚士研經言桂枝加芍約生薑人參新加湯解書

後

名醫 張山雷

壽願案聊攝之解人參新加湯症云。汗後身痛表邪未盡。所以仍用桂枝湯方。以解未盡之邪。惟脈沉遲。則爲榮血不足。故加芍藥生薑人參。以益不足之血。其說以桂枝湯本方。與新加之三物。分作兩面主治。貌視之似乎無甚悖謬。惟以太陽病例詳釋其旨。邪果在表未盡。脈當仍見浮緊。而身猶疼痛。則爲表症確據。今在

得汗之後。脈之浮者轉而爲沉。緊者轉而爲遲。可知表症已解。是成氏所說。殊有未允。故成又自謂脈沉遲爲榮血不足。且引仲景書中。其脈沉者榮氣微也。及遲者榮氣不足血少故也兩條。以証此之身痛爲汗後血液受傷。則聊攝意中。亦知此症不當仍用桂枝解肌之法。豈不與前一說自相矛盾。枚士此論。獨以身痛屬之血痺。惟其汗後津傷。血液失所榮養。以致周流遲滯。而身爲之痛。不當復與表症之身痛渾作一例。其用桂枝原方而加重芍藥。既以滋助陰液。卽能監制桂枝之辛。使不走散。而桂枝生薑。且皆爲和血之用。方見得脈症藥物。溶冶一鑪。絕無扞格。并可見桂枝元方一經點染。則止以調和榮衛。而與元方之解肌作用。毫不相涉。說理極爲精析。能令藥物分量。一一顯出切實效用。絲絲入筭。是爲解釋藥劑學之無等等咒。凡欲研究古人方劑。固不可不具有此精銳之目光也。仲師本論。此條之脈沉遲。各不無異。而枚士此篇乃作沉細。未詳所本。俟更考之。

莫枚士研經言天雄散解書後

前 人

壽頤按同是一病。而古今病情。甚至有寒熱兩得其反者。讀唐人以上醫書。此類不一。而其最爲明顯易知者。尤莫如虛損勞瘵一門。古之虛勞。多屬虛寒。金匱病源千金外台。同爲一例。用藥多生溫熱。而今之虛勞。則孰不知是陰虛生熱。此非獨時世變遷。民病亦爲之遞嬗。蓋古者地廣人稀。肅殺之氣較盛。抑且古之醫家。皆非南人。宜乎所見所聞。與今之大江以南。不可同日語也。仲師金匱。以桂枝湯加龍牡治淫夢失精。而天雄散又以天雄爲主藥。此必不可與今之相火不藏。肝腎無攝納之權者。相提並論。枚士斷爲陽虛失精之祖方。誠是確論。又以病源所引之經文一條。謂王氏外台。卽以天雄散方係於其下。皆其讀書之得間處。惟以夢遺爲因於風邪。故用桂枝。則於古無徵。抑亦於今不信。蓋拘泥本論桂枝之主治太陽中風耳。此則枚士之奇悟。殊不可訓。存而不論可也。

醫 案 門

中醫關於化學病因上之治療案

理事 趙 重 空 輯

砒毒

醫牘云秋燈叢話載萊郡劉某。遇僧授海上方多効。其解砒毒。尤為神驗。戚某屢求不與。啣之。乃置酒延劉。食畢。扁其戶。謂曰。爾已中砒毒矣。速語我方。為爾療。劉不信。頃覺腹中潰動。乃曰。何惡作劇如是。可疾取白礬三錢來。戚如言取至。調水飲之。立解。因惡其吝也。傍其方於通衢。享和中。東都木挽街有醫西良菴製截瘡丸子。入砒者。盛囊携出。而行醫百餘里外。數十日後歸家。搬移之際。丸子滾轉。雜於煙中。西不知之。一日解裝出煙。飲之。忽覺口中異常。妻及兒子亦飲之。復然。少選三人心腹大痛。苦楚不可名。因開煙檢之。見有丸子。大駭。急服解毒藥數種。並無寸效。嗚呼。鄰家仙臺醫官永井元菴而議之。元菴無計可出。偶記叢話用白礬。

事。如法用之。三人便云。藥下。胸頓覺心腹。一道開豁矣。竟得救三人之命。予親聞之。永井氏。實神驗方也。時輯救急選方。因收其方。嗚呼。為醫者。小說雜記。亦安可不寓目哉。

醫

學

通訊刊

全國教育聯會議決請教育部明定中醫課程並列入

醫學校規程案

〔理由〕查我國醫學已歷數千年。人類繁殖。爲世界魁。未始非此項醫學所維持。前此日本亦宗中醫。謂之漢醫。近日本市政廳長尾藻城氏。著和漢醫學與科學的研究云。明治維新時。改用西醫。將我邦古來醫家所研究之多數成績。全然截斷。此偉大之損失。千古恨事。倘將和漢醫藥。安於科學之上。而爲科學的研究。則其所獲。必有出人意外者。夫日本之於中醫。以言語文字之隔。閱且不過間接國粹。乃當今西醫昌明。佔世界第二位置時。而山後溯前。尙不勝其追悔慨歎。况我固有國粹。經千年之研究。而可忍與淪胥乎。學校根本培養。誠要圖矣。此中醫應加醫學規程之理由一。今西醫行。而信仰中醫。

第三十期 通訊門

七十四

者仍不稍減。蓋以中西氣候習慣體質之不同。而治療優劣得失因之各異。我國地大民衆。人殊秉賦。正宜集聰穎之學子。彙歷代之著作。從事整理精密研究。使中醫成爲有系統之科學。蔚爲專科。用資闡揚。此中醫應加醫學規程之理由二。查我國富有天產藥品。百倍泰西。全國商民之業藥者。何止億萬。而每年貿銷價值。更不可以數計。倘中醫以科學方法研究之。而日加發皇。則中藥之效用。自亦因科學方法之研究而日有進步。增不可數計之財源。關係國富。實非淺鮮。方今我國貧弱已極。愛國之士。無論朝野。莫不日維持國貨。維持國貨。獨於醫藥之大宗國貨。而可拋棄乎。此中醫加入醫學規程之理由三。查教育部學校課程。有西醫而無中醫。致令辦此項學校者。無矩矱可遵。入此項學校者。無學位可望。是不啻以法律限制學術。爲自滅文化之政策。故欲振興中醫。非辦學校不可。欲辦學校。非明定課程。列入學校規程不可。茲擬辦法如左。

〔附注〕〔一〕陳請教育部聘請中醫專家議定中醫學科課程。

〔二〕醫學校內。應設中醫一科。遇需要時。亦得設立單科中醫學校。

右項議決案。係浙鄂兩省教育會代表鄭以貞姚兆貞根據鄂浙兩醫校之提案。用折衷方法整理修正。

徐相宸君上教育部力爭國醫加入學校系統電

乙丑年冬

山西中醫改進研究會上海神州醫學總會各省神州醫藥分會中華醫藥聯合會江蘇全省中醫聯合會浙江中醫專門學校杭州三三醫報社紹興醫報社南通醫學專門學校奉天醫士公會暨全國中華醫藥團體同志均鑒。頃上北京教育部力爭國醫加入學校系統快郵代電一書。文曰。北京教育部鈞鑒。吾國方以生活不平。政治不平。釀成相殺無己之慘局。若更益以學術不平。治絲已勞。吾民尙有嗷類乎。國學何負於吾人。吾人實自負國學。欲加之罪。何患無辭。使衰衰諸公。有病而盡爲中藥所誤乎。吾國醫甘受其淘汰。若猶未也。不如中西並存。使之

雙方競爭。而學術互有進步之爲愈矣。國醫未必劣。西醫未必優。與其爲學理之強辯。無甯爲事實之證明。中山之病。無用手術之必要。而西醫遽用手術。卒至不起。已至絕地。而委諸吾國醫。吾國醫之能者。斷爲不治而謝絕之。相宸遠在數千里外。僅據報紙所載懸揣。亦復不謬。診斷事實如此。即一可概其餘。所謂中不如西者。果安在耶。貴部之議斥吾國醫爲不合學理。所謂學理者。爲科學學理耶。爲國學學理耶。如猶科學。則吾國醫本非科學之產物。當然不受其限制。如謂國學。則國醫亦國學之一種。與經史文學無以大異也。必謂國學不合學理。科學始合學理。將舉吾國一切國學而悉數吐棄之乎。爲問吾國之現政府。與現行政治何事何處。盡合科學學理乎。毋亦曰。過渡時代不得已耳。政治不合學理。可以承認。區區小道不合學理。卽不能承認乎。相宸之愚。以科學方法整理國學。以國學精神。運用科學。實爲吾國學者此後一定不易之途徑。今以堂堂中國教育部。動輒與國學爲難。隱然爲外國科學出死力。不幾乎亡國主義。自殺政策乎。諸公是否

中國人。蓋亦平心思之。山西中醫改進研究會名譽理事上海神州醫藥總會評議員中華醫藥聯合會名譽會員徐相宸叩。

國醫自強重大提案

一機體之生存。一學術之進化。不在外界之扶助與抑遏。而在自身之能否發憤圖強。通力合作。吾國醫界。自辛亥迄今。未嘗不與外界奮鬥。而所得結果。僅不合學理四字。已被當道輕輕抹殺。以留學生之目光鑒別國學。固無往不在吐棄之中。區區國醫。特一小部分而已。吾國政治。枕楹自保。弗遑。蜉蝣蟻蛄。何足與語。數千年之國粹。以吾視之。加入與否。得不足喜。失不足患。患在吾國醫無澈底覺悟。積極進行耳。不揣其本。而齊其末。無源之水。涸可立待。縱幸而得請。亦適足以長吾虛僞之氣。轉恐得不償失。非吾所謂先務之急矣。大好光陰。蹉跎不已。自身問題。渺無解決。十四年中。所爲何事耶。春秋責備。吾不能復爲賢者寬已。當仁不讓。舊事重提。姑息之愛。非不佞所敢知也。

重定科目。學問之道。分科愈細。進步愈速。吾國醫學。舊號十三科。按之時勢。諸多未協。謂宜速由全國同志。將此第一根本問題。先求圓滿解決。後再從事編輯。庶有一定標準。

實行編書。編書之意。不佞於神州醫會初辦時。即已竭力主張。自求多福。策無善於此者。乃不意蹉跎復蹉跎。仍不免以空言無實。爲當道所鄙棄。設此時已有成書。內力自充。豈外界所能抑遏哉。及今不圖。不知又俟何日矣。噫。更有進者。凡百學術。公開爲尙。茲事體大。斷不容一人一黨。壟斷專利。示人以不廣。貽誤於求學。謂宜徵集海內外國醫人才。通力合作。普選公決。另組一審編團體。尅期自効。庶足昭大信於天下。謹擬審編委員資格如下。

- 〔一〕學識高超。
- 〔二〕思想敏銳。
- 〔三〕實驗豐富。
- 〔四〕去取正確。
- 〔五〕文筆透闢。
- 〔六〕夙有著述。
- 〔七〕担任到底。

依上列資格。請全國同道普及公選。約以二三十人爲度。甯缺毋濫。是爲國醫審編委員。議定大綱子目。即日實行編輯。務於最短期中全體告成。

程度不可遷就。醫藥爲高深精微之學。非國文已有根底。卽不容輕於嘗試。况修學年限無多。若以國醫與國文雙方並進。如何能及。教而弗成。寧非誤人子弟。自喪信用。非愛國醫。乃害國醫。非昌大國醫。乃破壞國醫也。至現用課本之因陋就簡。貽笑大方。不編書而臨渴掘井之過也。夫設立學校。爲其能勝於家自爲教耳。若其結果。反出私人之下。毫無經驗。不能實行。又曷貴有學校乎。

承認整頓條例 吾國無論何種事業學術皆有整頓之必要。社會進化之原則固當如是。爾必曰吾學至是。吾道至正。不容他人置喙干涉。是求進而反却焉。烏乎可。謂宜自動的公擬條例。務得權利義務之平。呈請審定頒布。卽以爲加入學校系統之交換條件可也。

一、律改稱國醫。名正言順。聖人所貴。吾儕呼馬馬應。呼牛牛應。初無堅決表示。然同一不台學理字樣。設於上文綴以國醫云云。卽覺不成文理。一字千鈞。關係顧不鉅哉。

論孫中山之病

孫中山奮鬥一生。憂患畢世。雖享大名。未伸大志。因氣血之衰。爲疾病所乘。意中事也。前以西醫主政。吾儕未便冒昧論列。今當絕望之後。委之於吾中醫。有陸君之正式公布。陸君一人之成績如何。實繫中醫全體之信用。不佞雖欲避嫌。不可得矣。蓋以中山之病。既由奮鬥憂患而得。其爲勞苦拂逆所傷。老年正不勝邪。可知益以解剖。氣血散失已極。見症神倦食少。足腫形削。舌乾苔脫。脈大無根。縱爲壯年。猶難倖免。而况中山高年乎。木賊土敗。當旺無氣。春分一關。無術可以飛渡。以素未服過中藥之人。暫得中藥養氣之功。一有機植物養氣最富。神農藥故曰本草。蓋中醫治病。以草木植物爲本也。未必不稍見起色。亦理之應有者也。惟生理幾於剝盡。藥物豈能無中生有。如謂從此可以保全。則吾未之敢信。但得曰治法當如是耳。不佞之意。與陸君大同而小異。擬以生脈散合甘麥紅棗。加原洋參風霍斛杭白芍爲之主。如見心跳氣短汗洩。純乎虛象。則加黃芪棗仁龍骨。

以固脫心不跳氣不短汗不洩。而反好發牢騷。喜太息。善怒。語音沈實有力者鬱結不開也。畧參綠梅合歡鬱金川貝解其鬱。

附記 此論作於乙丑夏正二月四日。見一月五日商報第一張。是年春分爲夏正二月二十七日。中山之死。則爲陽歷三月十二。夏正二月十八。去吾論發表之日。僅得十月四日耳。不幸言而中矣。

時逸人君上教育部力爭中醫加入學校系統緘

北京教育部總長鈞鑒。敬啓者。自大部明定學校系統中醫學說。不允加入。滅棄國粹。舉國震驚。竊中國醫學發明爲最古。學理精深。爲世界冠。因歷代以來有賢君良相。提倡發明於上。才人智士。研探討於下。歷四千七百餘年之經驗。始能成此大觀。比年來因潮流趨勢。競尙維新。不惜犧牲。歷世相傳固有之國粹。以遂少數人私意之熱狂。墮喪國權。蔑視民命。莫此爲甚。蓋中醫治病。其神明變化。實有研究之價值。非西洋簡單治療者可比。公論自在人間。真理終難磨滅。大部試

平心論之。中醫果在可廢之列。全國人民當倡議廢之。奚必待西醫之嗷嗷爲中。醫如有存立之地位。自宜加入學校系統之必要。彼西醫挾排擠之見。爲妬業競爭。蚊口成雷。鑠金毀骨。在大部當以燃犀之照。燭彼陰私。何能聽其譁語。夫中醫之缺點。乃書籍體例之不良。假借名詞之羅列。今古異宜。四方異俗。故學說之意見。微有不同。然融爐共治。翻陳出新。以彼之長。濟此之短。各科學說之講義。體例從新。莫不如是也。醫學獨根本推翻而後快。是誠何心哉。是故編輯醫書。責在吾輩。維持醫學。端資大部。特此迫叩陳情。務祈將中國醫學列入學校系統。迅予施行。不勝迫切待命之至。

周小農君富全國中醫學會暨劉蔚楚君

〔上畧〕京津閩粵已行執照。詎不知之。惟乙丑部規不列世醫師傳儒醫三項。中醫資格。實以此二項爲王體。又年限較西醫差遲十年。如教部已將中醫加入系統。規定課程。電勉領照。祇有請將規則改定。於第三條加「中醫資格。爲世醫師

傳儒醫三項。有中醫學會證明文件者。年限二十歲以上。與西醫同。方屬公允。乙丑規則加遲至三歲以上。令人不平。執照費改定三元。中醫貧寒者多。取費多不能普及。〔加則〕此為永久實行規則。原則取消。保證規定三人。與西醫同。

〔理由〕無師涉獵者。藉照釀禍。滿布危險。均在醫術智識經驗六字。今查廣東癸亥規則。於此條下加註云。兩年後取消此條。中醫即不能領照。是即日本限制漢醫消滅之策。非由學校出身不得領照。而況中醫本無部轄之醫校乎。藉曰有之。醫校何能每省縣均設。故不能不爭到列入世醫師傳固有資格。且永久不准再發加則。防原則復行也。然否。應請各省中醫學會公決。

周小農君駁內部中醫營業領照暫行規則

第一條 在醫士考試未舉行以前。關於中醫之開業。暫適用本規則。

駁 暫行者。伏嚴詰之日例於後日續行敷。教部不立中醫課程。內部乃欲收受照費。非獎勵。乃限制也。

第二條 凡醫士業醫。應照本規則之規定。呈由本部發給開業執照。

駁 內部採用日本消滅漢醫條例。不在教育。惟在執照。彼日本固以執照取消漢醫也。不可不防。

醫 第三條 凡年在三十歲以上。具有左列資格之一者。得呈核給醫士執照。

駁 醫授子弟門生。不到三十歲。雖畢業不得領照。輟業之下。事蓄何出。此絕妙限制中醫之例。上海醫校多有青年學子。勢必改弦易轍歟。

學 〔一〕在各省區曾經立案之公私立中醫藥學校。或傳習所畢業。領有證書。或在本部立案之醫藥學會員。有著作論文。經學會准許。並有學會之證明書者。〔二〕曾經各該地方警察廳考試及格。領有證明文件者。

誌 駁 憑照擾亂。營業寒心。奉天醫士。經警廳核准給照後。市政廳又明令取消。醫輟業以俟者數月。不領執照。即無此束縛。〔二〕曾任官公立各機關醫員。及官公立醫學校醫科教員。或官公立之醫院醫士。三年以上。確有成績及證明文件。

並取其醫士三人以上之保證者。

駁 已任醫員。亦有勞績。尚須三人連環保結。以爲繳照之地。一有攻訐。三人輟業候訊。消滅漢醫之舊例。全在此一照予奪。『四』有醫術智識經驗。在本規則施行前。行醫三年以上。有確實證明。並取其給照醫士五人以上之保證者。駁 捐一部照。要五人連環保結。損失人格。何人敢領。萬一攻訐。連累至五家。如此束縛。顯有限制中醫之意。引蔓摘瓜。久後之累。

第四條 凡請領醫士執照。應備執照費六元。半身像片一張。履歷書一張。印花費二元。連同資格證明文件及保證等。呈請本部核發。

駁 有印花費二元。又何須照費至六元之多。且以相片留質。抑若攻訐一至有相片在。各處警署可按圖索驥者。一經暫行考試後。捐照必倍。或如日本之作難漢醫。捐不給照。至今漢醫何在。不可不防。

第五條 執照毀損或遺失時。呈請補發。但須繳照費三元。印花費二元。

駁 無照不能開業。此日本消滅漢醫之舊例。執照遺失。輟業以俟。如指勒不發。

又爲漢醫之續。

醫 劉蔚楚君答周小農論醫者宜審類症之異同

周小農諸君於楊公教我虛損垂危。評正因便結。故大陽藥中。不忌歸芍之滑次。口得大解。即減白芍。加附子鹿茸。胃絕故以茯苓活動諸補品。不忌其利水。玉桂協熱地五味子。故用以引火歸元。麝香偶用三四厘。借以通腦。用在治病七八月後。故不忌其走竄。且當日凡味太過酸苦甘鹹。到喉必吐。苟非以陽運陰。次日無雜。大解。三日不納食。藥到吐出。誰其肯信楊公乎。非楊公遠超人。俞陳大法。斷難救。此虛損無陽。如係虛勞之宜陰陽兩補重補。病未如此垂危者。則歸芍之能開後門。茯苓之能開前門。玉桂之辛動。與麝香之走竄。明者自知參酌。類症總有分別。何至含渾等語。此真持平之議。我因而深有感慨焉。余病初誤疏散。後誤滋飲。虛損無陽。命似遊絲。甯能姑試。甯堪再誤。楊公良工心苦。日月同懸。而病愈經年。仍

常吐清涎左腹如長挾一瓶冷水。搖動有聲。又甚不喜飲湯食稍近寒膩即胃悶作吐。明是脾腎之陽不能蒸化。胃腸蓄水。雖黑錫丹漸用至二十兩餘。尙難去此。除服大陽藥外。兼習拳術家所授二十四行功。行之又經年乃效。使其初稍偏陰。藥微命不立隨以傾乎。此瞭然如視諸掌者也。使請西醫再診。將謂胃腸發腐。又要倍割。亦未可知。凡診病。病情萬變。活法在人。譬之宗師命題。應考者對題作文。方館命中。醫者之題何在。即在望聞問切中耳。按其現狀。推其原理。斷症處方。對症用藥。猶之作文對題。病症尤非印板文字。苟藥未對症。效從何取。無效。漫講楊公即自比名垂百世之大賢。其孰能信之。拙記甚詳。此病已特標題。曰自古大經大法。醫者應知而臨症仍要化裁通變。卽治愈重大危病亦無所奇。醫之責任在活人。無論如何艱鉅。皆義所應勉。分所當爲。旁人見此醫能醫他醫所難醫之症。遂奇其所自奇。果醫者而好奇。正是一罪。余幸續命有湯。廿年六十有二矣。遵師教者三十餘年矣。學醫方二十六歲。最初出診。卽去多所著八案等症。臨床必悉。

心體認。竭其綿力所能爲。對於貧富窮通。毫無畛域。藥雖貴品。有則不吝於取求。此無他。當時伴賴先君。衣食無缺。苟以名傳。以利傳。弗以誠求。將何以對吾師。吾父至誠。其求而不得。差亦無憾於吾心。竊束髮受書於古。嘗聞矣。窮則變。變則通。通則久。易之理也。濬哲文明。溫恭允塞。書之典也。惟此文王。小心翼翼。昭事上帝。聿求多福。詩之教也。強恕而行。求仁莫大近焉。愛人者人恆愛之。敬人者人恆敬之。孔孟之學也。苟能愈病。師巫何害。苟不愈病。盧扁奚爲。君之說也。勿偏一派。我之言寔君之意也。留心四診。罔敢執着死書。不問其他。祇竭吾才。自憐者輒復憐人。不過自憊飽嘗之痛苦。非盡泥於喻公仁厚之言也。溯十一年到滬。君卽長勸著述。奈因學淺。鮮暇多病。十二年冬始勉下筆。十三年夏陳濯江兄力勸印刷。代送廣東道志館。始成此急就章。何敢見天下士耶。不意海內諸大君子。反過許之。自是善善從長。獎之過分。而受君德愛。與楊公臨床曲救之苦心。故生平所經歷。絲毫皆自視。歆然。又是恐負父師良友。人誰不愛其所尊所親所友。等於生命視之。吁言至此。衷心惻然。而亦憂然。不能再下一語矣。請君試代下一轉語。

譯 叢 取 門

胃潰瘍之治療

譯 文 醫 學 週 刊

楊永超譯

目下胃潰瘍診斷日見其多。其在醫院受診者。能佔住院病人一大部份。所以此病日見加多者。並非此病較前增加。乃因以前診斷常錯。近年來藉哀可斯光之力。更加以外科上之經驗。於是以前不知其爲胃潰瘍者。近亦可以確鑿證明矣。二十年前吾人認爲胃酸過多症者。現亦知其爲胃潰瘍。有人且認胃潰瘍近年增多。歸咎於大戰後生計困難所致。吾殊以爲不然。以前胃潰瘍必不較少於今日。不過經驗太少。苦不能識耳。胃潰瘍既爲數甚多。故此病之治療於公衆生活。有莫大關係。試思患胃潰瘍者。大半不能作工。少一個作工的人。國家即多一份損失。近年醫界討論胃潰瘍治療之聲浪。日見增高者。正以此故。吾雅不欲詳述胃潰瘍之歷史。及前人對於胃潰瘍之觀察。吾此篇所述者。不過

近年吾所經驗過之病人而已。自一九一八年至一九二五年。共經四百六十二人。至於應用外科手術治療或純用內治之法。須視病之程度而定。其非用手術不可者。如胃幽門或十二指腸已窄狹不能通過食物。其窄狹較輕者。未嘗不可以內科手續治之。蓋吾之經驗。內治未必不能癒。外治未必全能癒也。第二非用手術不可者。即流血之胃潰瘍。蓋不急施手術。則危險即在頃刻。第三非用手術不可者。即穿通胃壁之潰瘍。此時須急施手術。不然胃內容物。出腹膜發炎。益發不可收拾矣。就吾所舉之四六二名。其中用外科治者。計一零五人。治療結果。手術治癒者。計百分之八十五。內治獲愈者。僅百分之六十。就此數觀之。似外治優於內治。其實不然。蓋胃部施外科手術之後。時常遺留一種極不快之痛苦。此等痛苦。其因手術不佳而生者。實居少數。多數患者。食物經過胃部。通行無阻。毫無遲慢現象。雖然如此。而疼痛依然。近兩年吾經過兩次胃潰瘍患者。於外治之後。發生腐敗性消化不良於其腸部。其主要病狀為劇烈之瀉肚。以哀可斯光照

之。則見食物由胃入腸。毫不停留。所謂胃消化者。直接等於虛設。以上所述之痛苦。於胃潰瘍手術之後則甚多。而於胃癌手術之後則絕少。同在胃部而相異如是。實一大疑問也。

欲明白手術後所以仍有痛苦之原因。須先知胃潰瘍因何而起。其發生之原因。雖各名家解釋。畧有不同。而實際總不外乎胃壁平滑肌起痙攣性收縮。無痙攣性收縮。胃潰瘍無由而起。胃疼亦無由而生。痙攣性收縮。乃一種神經作用。以外科手術治胃潰瘍。祇能除去胃潰瘍。而屬於神經作用之痙攣性收縮。又依然存在。絕不能隨外科手術而消滅。故胃潰瘍用手術之後。不但常遺留一種痛苦。且常因痙攣性收縮不改之故。繼續起新潰瘍。明乎此。則知胃潰瘍手術後痛苦之來歷矣。

外科手術後結果不大美滿。既如上所述。故吾輩漸漸傾向內治。內治以何法為最妥。亦吾輩所急應研究者。

現時最常用者有三種內治法。(一)勞伯(Lowber)氏治法。(二)爲冷和慈(Liebig)氏治法。(三)塞俾(Sippy)氏治法。第一第三兩法。吾輩用之最多。故經驗亦頗宏富。第二法不大多用。故經驗頗少。不敢指其優劣。茲將第一第三兩法之同異點述之於下。兩法所同者。爲輕鬆的資養料。胃部施溫卷。十四天不許離床。其不同之處。勞伯氏雖亦用阿耳加里。但爲數寥寥。塞俾氏則專用阿耳加里。其主要宗旨。在能恆久的中和胃酸。每小時給服下兩種藥一茶匙。Nasi. bicarbon. + Magn. Nasa. 或 Nasi. bicarbon. + Calc. Carbon. 大便太硬用上方。大便太稀用下方。此外病者每小時須吃牛奶數口。

病者營養按勞伯氏與塞俾氏規定如下

第一星期 牛奶一立特。咖啡。麥湯。燕麥羹。大米漿。大米粥。麥粥。小米粥。五十至六十瓦牛奶油。雞蛋兩個。

第二星期○除第一星期所許可者外再加烤過之白麵包烘過二次之餅乾刮

皮之火腿肉。糖。山芋。菠菜。蘿苣。軟蛋。

第三星期○各種肉。各種魚。地蛋。白菜。椰子。奶餅。

第四星期○飲食可隨意。但生水果之類。鹹肉之類。脂肪太多及一切難消化之

物尙須戒絕。

除以上營養法外。應令患者加服阿透勞。則疼更易止。故吾輩認此爲治胃潰瘍之一大進步。

此篇可作研究材料。不可認其中論說爲皆正確。蓋此篇公佈後尙有許多名醫力陳其非。總之關於胃潰瘍之治療法尙未統一。譯者附識

雜俎門

診斷禍福二則

名譽理事 楊星垣選寄

袁顯精醫。每診輒以太素脈懸斷禍福。有王氏子素不孝。顯診之曰。心脈爲己身。肝脈爲父母。今心脈弦急凌肝。子未能順親乎。急改之。非然者。將有火災。心火也。後三日果驗。某詣門謝。淚潛潛下。後卒爲孝子。

蘇州胡司理能吏也。居官不廉。一日易服。親求袁顯先生診。顯曰。心脈圓而清。公殆貴人。非尋常流俗比也。胡曰否之。吾曰。肺金爲財。脾土生之。脾脈又浮又沈。公得母有羨心耶。胡面赤。默不語。敬奉教而退。卒爲廉吏。

編者曰。近人方以中醫等諸卜相堪輿。今錄此二則。不更貽人口實耶。要之世未必果有是術。而不得謂必無其理。

星期徵稿選刊

問經閉兼患暑溫

石泰峨

有一及笄女素稟怯弱春間經事不行脇腹聚氣如瘕減餐飢削屢服溫通之藥無效至孟秋始發壯熱大汗此病當何法治之

夫婦女之病以經爲主。經脈有期則病却而體康。經脈閉塞則形削而病至。經之所以閉塞者源不一致。內經謂二陽之病發於心脾。有不得隱曲。大抵由是致者居多。蓋人有隱情曲意。難以舒其衷者。則氣鬱不暢。而心氣不開。脾氣不化。水穀日少。不能變化氣血以入二陽之血海。故不月也。今女子年既及笄而未用室。思慮致傷心脾也明矣。而况素稟怯弱氣血不充者乎。是以心脾傷則血虛。血虛則肝木弗榮。故於春月木氣司令之時。轉鬱結而不得遂。其條達之性。而脇腹聚氣如瘕矣。且水穀入胃。全藉脾爲之轉輸。是以脾職有權。則飲食進而肌肉充。脾若

失職。則飲食減而肌肉削。王節齋曰。婦人女子經脈不行。多因脾胃傷損所致。當用清熱解鬱之藥。斷不可認作經閉。而用通經破血之品。今觀其用藥。不以滋而以瀉。不先解鬱而屢通經。豈知溫熱之劑。大助陽火。攻通之品。多傷氣血。是以屢通而血愈虛。屢瀉而火愈熾。故於酷暑之後。秋涼漸至。燥金乃動。而人身之氣化。亦與時而俱燥矣。中外俱熱。安見其不大汗淋漓而壯熱也。則是前者之經閉不行之症。猶未愈。而暑邪燥熱之溫病。因之以起。若不急施治療。則怯弱之體。安能逃此一關乎。然則當以何藥治之。愚以爲舍白虎加桂湯。更加蒼朮半夏。不爲功。夫夏熱秋涼。名曰處暑。是湯以白虎名之。謂能止熱也。內經曰。熱淫所勝。治以苦甘。又曰。欲撤表熱。必以苦爲主。知母苦寒。用以爲君。經又曰。熱則傷氣。寒以勝之。甘以緩之。石膏甘寒。用以爲君。熱氣內餘。逼灼汗液。而脾必燥。故用甘草粳米甘平之物。以緩其中。用桂枝者。是熱因熱用。爲諸藥之向導。且桂枝安表和裏。爲自汗之要藥。用蒼朮半夏者。以長夏之時。濕熱相雜。故但熱而不渴。用之以燥其濕。

也。合同共濟。一鼓必克。後再以解鬱滋補之品以調其經。則庶乎怯弱起而諸病悉除矣。此証因治失法。釀成暑溫。故用白虎加減以治其標。調經解鬱以治其本。循次治療。是爲得之。

赤白痢戒酒說

趙一齋

夫痢之爲病。每發於夏秋之交。推其原因。多由濕熱蘊釀而成者也。古人雖有赤傷血分。白傷氣分。氣血並傷而成赤白下痢之分。然以六經言之。實不外太陰少陰二經之所主耳。經所謂太陰之上濕氣主之。少陰之上熱氣主之是也。蓋脾不得行其轉輸之用。則胃有蓄積。肺不得行其通調之功。則大腸每多不快。此太陰之爲病也。濕癱小腸。心火有阻。則生熱。熱積膀胱。腎水不利而停濕。此又少陰之爲病者矣。故濕熱相搏。血絡乃傷。輕則赤白相兼。重則純赤無白。裏急後重者有之。熱盛而氣不行也。口淡無味者亦有之。濕盛而津呈腐氣也。以臟與腑之作。用本自相互而爲功。所以病之罹此而害彼者。亦莫不如桴之應鼓耳。夫酒之爲

第三十期 星期一 醫學雜誌

九十八

物。性本濕熱。盡人所知。癩痢症既爲濕熱蘊釀而成。無論其果爲濕熱之孰偏孰盛。何堪復予此濕熱之品。負薪救火以激之乎。吾故曰。患斯疾而不知戒酒。必有服藥無功之弊。且必增其腸腹之煩熱。而額上汗出。顏面微黃者。雖痢疾暫愈。而酒道之病。復旋踵而至矣。近之對於臨症實驗上。比比發見者。已不乏人。爰貢一得之愚。以廣節患者之戒慎云。

針灸討論會治法選刊

針灸之功用與藥餌等

許世長

夫針灸之功用。不減藥力。奈世人每惡針灸而喜藥餌。設遇暴急之症。藥有不及者。舍針灸何能收起死回生之效哉。故我輩研究斯道。首當注重也。若能專心此道。朝夕琢磨。行之既久。自有豁然貫通之日。得其奧理。自能手到病除。所可惜者。病家畏其暫時之痛苦。惡而不用。致使良醫雖有妙術。無所設施。言之增人悵嘆。故內經有云。拘于鬼神者。不可與言至德。惡於針石者。不可與言至巧。觀此言則知古聖亦為之感嘆。非僅茲時耳。夫針灸之功用。與藥力相等也。而藥之治病。一服其病不去。必須再服。再服不盡。繼之三服。針灸之治病。亦猶是也。一刺不愈。繼之再刺。三刺。總期病去則已。故岐伯有云。病九日者。三刺而已。病一月者。十刺而已。其多少遠近。以此衰之。此古聖之明訓。刺法之標本。不使太過。不使不及。太過

則傷其正氣。不及則邪氣逗留。故經云無盛盛無虛虛而遣人夭殃。無致邪。無失正。而絕人長命。學者將此言奉為金科玉律也可。

針刺赤遊風之經驗

李櫻平

醫 學 雜 誌

曾治一十五歲幼子。一日偶感外邪。臂腿起發癢痞。色紅浮腫。焮熱。搔而兼痛。醫人俱作痧症治之。用開藥表藥未愈。邀余診之。脈現浮緩。乃風濕客皮膚。因曰此赤遊風。非痧也。脾肺燥熱而兼表虛。腠理不密。風邪襲入。怫鬱日久。與熱相搏。則化熱而成。今滯於血分者。故色赤也。於是針刺百會及委中二穴。尋按抓彈。俾氣散而風解。隨與服四物消風飲一劑。病稍減輕。次日復刺一次。進藥一劑。至三日病獲全愈。總使氣血調和。針功收效。西醫之刺神經。中醫之刺經穴。名雖殊而實則一也。穴與藥方列後。

百會部位在前頂後一寸五分適當頭之正中
委中部位在腓腸窩之正中
四物消風飲 生地三錢 當歸二錢 荆芥錢半 防風錢半 赤芍 川芎

白鮮皮 蟬脫 薄荷各一 獨活七分 柴胡七分
紅棗二枚 水二盅 煎八分 去滓服

編輯處啓事

啓者古今醫案充棟汗牛竊謂案者法也老吏斷獄鐵案如山熟於法耳若平平無奇或以病試藥偶然倖中者似未可以案稱本雜誌醫案門多選古人精粹良法畧別種類分期登載現仍資料無多凡我同人熟於前輩醫案醫界舊聞名醫歷史筆記瑣錄之類望祈隨時抄示俾便分登一俟哀集較多彙刊成帙定當奉酬若干册以副雅贖不勝企盼之至

馮百城謹啓
趙意空

*楊如侯先生靈素生理新論出版廣告 是書原擬刷印

一千部嗣以不敷銷售特再加印五百部以公同好兼爲振興國學溝通中西起見將本書原價定爲實碼八折每部售洋三元二角其躉購十部者另贈一部遠道並免去郵費以期普及郵票代洋九五折算書存無多購請從速

代售處山西省城

中醫改進研究會
醫學院航慈書院

第三十期 廣告門

中醫雜誌

上海中醫學會出版

一百零三

- 〔一〕(內容)分專著學說醫案筆記藥物學驗方釋辯錄會務紀載等十餘欄皆屬近代名賢精心結撰之作已出至十七期
- 〔二〕(定價)每册大洋二角五分購滿六册者減售一元四角
- 〔三〕(郵費)國內每册三分國外八分多則照加掛號另加五分
- 〔四〕(函購)郵局不能兌匯之處可以郵票代現惟須照九五折計算
- 〔五〕(彙選)第一至四期均已售罄特刊彙選發行上下二册實價一元二角郵費八分
- 〔六〕(附誌)第五期已售盡本會員通信處詳載紀念册以便互通消息每册售洋五分

總發行所 上海西門內石皮弄中醫學會雜誌社發行部

張壽甫先生四期表中參西錄每部定價一元郵費五分滄
州立達醫院發售

報告醫界同人書

張錫純

敬啓者鄙人因滄州屢經兵燹實難寧居准於仲春月底移居天津醫界同人
有寄函及購拙著者乞寄天津法界廣德里張氏施診所鄙人收可也肅此敬告即
頌公安

介紹浙江紹興醫藥月報

紹興醫藥月報為浙紹何廉臣先生編輯內容精美每月一期定價一角全年一元半年五角五分郵費每期五釐全年六分民國十三年正月出版發行所紹城石門橋紹興醫藥月報社及紹城大街天芝堂藥號

三三醫書創刊啓

癸亥夏本社主君裘君吉生以歷年所獲醫家秘笈並同社投寄著述擬付刊傳世遂遷杭垣蓋為印刷便利計也詎醫報改組不數期而承印之武林印書館適遭鄰火稿亦被焚幸醫書尚在編輯中未見波及然因之遲誤半載現荷文化印書局倪君曼天與弘文印書局蔡君貽最綏以最低工價許即承印今將第一集先主弘文代印仍本醫者須讀三世書求三艾方能三折肱之義名曰三三醫書以短篇不成卷册之稿已刊三三醫報按旬發行而收卷專書自應單行印傳爰定每集三十三種每種一卷或數卷不等分訂洋裝本限一個月至少出版三種速則三個月出版一集以極廉之價收回成本三期分繳第一期洋三元三角惠到即將已出版者先行郵奉出書至三分之一再惠第二期洋三元三角出書至三分之一即將第三期三元三角惠而除面取外每次加郵費三角三分其洋倘荷一次併惠兩期則第三期得以免繳以答高誼此舉成本浩大非僅祇印三百三十部無論何種概不零售完以後亦不再版有人翻印無任歡迎對於未主亦恕奉送一集決算苟有餘柳誓必貼入二集多印大部書稿尚有第一集稿及付刊之稿第二集自當編入第二集正在速刊稿行世書速行寄社

第三十期 續刊

一頁〇五

中華民國十三年三月三日三三醫社敬啓

第三十期 廣告門

三三醫報發行廣告

每旬 一册 十二年七月三日第一期出版

編輯者 紹興裘吉生

發行者 三三醫報社

印刷者 武林印書館

寄售處 各省大書坊

定價表費須先惠

冊數	冊全年三十三冊
定價	角三元
郵本國五	角六分五厘
日本五	角六分五厘
外國二	分六角六分

一五〇四

中風辨證發行廣告

全部三卷

定價 官堆紙每部 壹元伍角 實洋 壹元

著者 嘉定山雷張壽頤

總發行者 蘭谿中醫學校

印刷者 蘭谿福華石印所

江蘇全省中醫聯合會

〔出版月刊增刊〕

月刊分常評言論專件專著筆記研究雜錄消息編輯課本等類以發揚國粹聯絡感情爲宗旨增刊分學說醫案筆記表解選方醫籍考驗方等類每期限一病以專研究合裝一冊已出四十三期定價每期五分郵費一分全年連郵六角六分第一至二十期已售罄二十一期至四十期裝有彙編每冊半元寄費五分總發行所上海西門內廣益中醫院

贈送醫醫醫病集

醫醫醫病集爲上海黃社出版一二兩集風行海內現因戰爭關係致第三集不能出版（按所有定款通知退回）今該集餘尚多請附郵票十分寄上海王信義道醫藥圖書館黃社善後辦事處立刻奉上

第二十五期 廣告門

二〇〇六

嚴氏金匱廣義出版廣告

是書爲慈谿嚴鴻志先生所著內容精美外觀雋雅洋裝兩巨冊定價大洋壹元貳角現傳照碼九折十部以上八折連郵費在內以十三年舊曆十二月爲限限滿不折不扣發行處在甯波慈谿東鄉費家市嚴氏養正學校遠地如以郵票代洋准三分以下之郵票爲合格按九五折計算書印無多購請從速

慈谿中醫學會同人公啓

張贊臣徵集驗方啟

敬啓者贊臣每念病家疾若纏綿欲求其速愈而不得者深爲憫惜竊之不才擬集古今驗方彙纂成冊貢獻於世俾抱病者得以按方治病可無採薪之憂也如荷熱心同志惠賜驗方須以經驗實效信而有證者無任感禱惠賜諸君請於方後一一說明如何實效如何試驗因古今以來名爲驗方面充棟汗牛其效者鮮驗者寡也凡我同志隨時抄示一俟彙集較多卽行彙刊成帙定當奉酬若干冊以副雅贖不勝企盼（盼姓字住址務乞另紙書明以便函候教）贊臣常寓上海二馬路雲南路口安康里第二百二十七號內如荷賜教無不達到

東亞醫學

月刊

定價 { 每月一冊大洋二角五分
全年十二冊大洋二元五角

郵票代用作九折算

內容 分學說及實驗, 診療寶函, 綜說, 臨診講話, 處方集, 技術, 篇, 最近文獻, 藥物療法, 釋疑, 雜纂, 調查及統計, 新書及新藥, 介紹, 雜報等, 內容之豐富, 請以函索當呈樣本。

上海東寶興路三十八號

總發行所 **東亞醫學社**

分售處 上海商務印書館及地方分館
其他在中國著名書局

繪圖鍼灸傳真全書出版廣告

本會理事趙緝菴、孫祥麟、王郁文合著鍼灸傳真全書八卷, 援引靈樞素問之精華, 加以詳切註解, 曰內經刺法兩卷, 採擇古代名醫鍼法, 慎其從違, 曰灸經刺法兩卷, 辨經絡繪圖形, 更詳

第三十期 廣告附

三五〇六

第三十期 廣告門

一百〇八

他書錯誤以求分明清切曰考正穴法兩卷本歷年心得經驗之術講真理求實效闡明岐黃秘訣曰鍼灸傳真兩卷共成八卷卷各成本現已脫稿出版凡有志針學者請速購閱是盼

價目

每部 八本 定價大洋二圓三角

如買廿部以上者
按九扣核算
十部以上者
按九五扣核算

繪圖鍼灸傳真價目發行表

總發行所山西代縣亨利石印局
分發行所山西中醫改進研究會

剪子巷成文齋書局

印刷所山西代縣亨利石印局

常熱中醫張汝偉特設通函論診科廣告

問

(甲) 叙述現病之狀態 凡寒熱咳不咳小便大便口渴不渴有汗無汗

及諸痛苦脈象苔色聲音所喜惡等

有者填寫
無者不必

病

(乙) 叙述病人之狀況 凡年歲業務男女育向信何種宗教素性急緩

者 須 知

等逐一填明以資參考

(丙) 叙述經過之情形 凡始起如何曾服何藥一切變態

(丁) 通函診治之取價 紙墨掛號費大洋壹角診費大洋六角

共計七角快信答復(即隨到隨復)連郵壹元空函不復

通信常熟顏港

無錫王旭高名書六種出版廣告

先生醫案。柳君寶詒已選入四家醫案。尚有退思集。穎方歌註。醫方證治彙編。歌訣。增訂醫方歌訣。醫方歌括。薛氏濕熱論。歌訣。西溪書屋夜話錄。治肝秘訣。六種。於傷寒濕溫雜證肝病。闡解詳明。思路新穎。凡在醫林。尤堪研究。醫校學生。尤便誦習。茲由吳縣陸晉笙君重訂。小無錫周農君精校。交上海千頃堂石印。每部六角。八折掛號郵費一角。各省大書坊均有寄售。

分售處無錫西門外棉花卷周小農醫室

介紹學道新書金丹真傳

學道必須修養。修養端重。師傳奈今之道家。稍有承述。皆秘為奇貨。故作艱深。多立層次。使學者望而却步。似非大道為公之旨。茲有漱石生者。本其師傳。悟澈元

山西官民 海內外
日日必需 處處爭購

晉民快覽

Popular guide book of Shansi

← 之

外 妙掃除秘密居奇之習將道家修養工夫合盤托出著書一卷名曰金丹妙傳有志學道者但手此編自入勝南捷徑現此書本會寄售每部實折八角郵費在內

第三十期 廣告門

五百二十

呂聯奎 全啟
楊百城

↓ 爲 國家 社會 個人 事業建設上惟一之參攷書良因山西百政維新

諸可借鏡 社萃英 擷華年刊一編數年以來荷承
海內外賢達推爲山西之寫真 晉政之年鑑 敝社至爲榮
幸十五年的新出版了每册仍售四角 寄費七分 合購前三
期祇售一元五角寄費在內所費有限不啻遊歷山西一
週如承
函購請詳開姓氏地址逕函本社李炳衡君照寄不悞郵
票代現不扣

山西晉民快覽社謹啟
社址省垣 新城街

上海同德醫學專門學校新同德社
NEW DUNG-DAI ASSOCIATION
DUNG-DAI MEDICAL COLLEGE
MARKHAM ROAD, SHANGHAI, CHINA

第二十八期 廣告門

新 同 德
醫 藥 月 刊
Neuë Dung DRI
Medizinische Monatschrift

本誌為指導民衆衛生。介紹德國醫藥之刊物。
內容豐富。印刷精美。定價全年十二册。一元
五角。郵費加一。茲將二卷一期要目列后——

「論壇」萬惡的舊式婚姻與醫學。醫生的道德論。改革我國醫學的徹底辦法。「學說」返老還童之說明。女性美。衛生概論。男性生殖器虛弱。結婚與肺癆。「醫藥」白濁何時認為痊○。中藥概要。新醫治療之種種。梅毒△療法時之副現象及其處理法。「問答」問答一束。「常識」打破親善政策。○廣的自述。「文藝」月下吟三章。雲際恨。雜詩數首。尚有「專載」及「新聞」兩欄不備錄。

定報處 上海同德醫學專門學校新同德社

第二十九期 廣告門

一百二十一

性道醫學 出版廣告

介紹人周小農 楊百城 趙意空

慈谿費家市張生甫君著內外兩編內編係李君手著新發明醫理外編係纂集
 前賢經驗每部八角特別優待醫林每部大洋六角六分掛號五分性道實學闡
 明性理大道每本大洋一角五分郵費加一毫購郵匯為妥郵票以一分至三分
 油帑夾襯封固掛號寄空函不復 總發行所浙江慈谿費家市張生甫醫室

山東膠縣良心救國社全體公啓

敬啓者同人因宣傳救國事件組織良心救國社期以努力進行永久不懈凡我
 各團體各機關各界人士如有關於此類期或書籍等等之出版品務望每種
 賜下一份俾作南針而資進行是為至感至盼再者敝者自進行以來深感於吾
 國人民程度太低毫無國家觀念雖以五世之悲痛似仍不關彼事漠然無動於
 中而敝社同人進行之艱難實出意料之外是以敝社現在決定一方努力宣傳
 演講愛國救國之旨一方極謀提倡鄉村間社會教育之普及敝社以為國家之
 強盛非保全國民性及其提高國民程度不可而此社之入手辦法又非由普及鄉
 村教育倡大本國及世界之學術文化不可故敝社同人不揣愚昧不避艱難決
 定創辦圖書館數處敢請以數十年為期自全縣而全省至全國普及為止凡本
 社社員均志願畢生從事於此以資補救今蒙敝社社員逢卓如君捐其所存中
 文書籍貳萬餘冊報章雜誌數十種價值共約六萬圓業經本社公決定為本社
 第一圖書館即以逢氏圖書館為名以資獎勵此後如有捐書者所捐書籍之價
 值足五萬圓之數者即另立第二圖書館而以捐書人之名或姓為圖書館之名

焉至於其他登報鳴謝等一切詳細辦法另有詳則可閱茲不贅述惟敝社同人
 心有助則更爲敝社所企盼而敢代表無數受惠者表示萬分叩謝者也至於各大
 書局各大報社各出版團體各界人士其有熱心社會事業而願將其出版品捐
 助者務乞賜以介紹以便接洽則敝社更感德不盡矣臨書企盼不勝懇切待命
 之至如蒙回件請直寄山東省膠縣城良心救國社逢氏圖書館收即可特此奉
 達敬頌台祺
 再啓者敝社此次徵求之範圍極廣毫無限制無論所捐助者爲何類何種及新
 舊完缺雖片紙隻字破報殘簡亦一概竭誠歡迎而萬分感謝者也久仰先生熱
 心社會事業素以指導後學領袖輿論爲國人所敬佩務乞不吝珠璣賜以特別
 贊助並盼廣如介紹期收集腋成裘衆志成城之功此則惟鼎力是賴矣敝社同
 人久耳鴻名識荆無自臨風翹企仰止曷勝倘蒙不棄加以提携則豈只敝社同
 人應刻骨銘心凡此後之受賜者無不感激大德於無窮也專此奉達不勝迫切
 待命之至肅此敬頌

勸捐新書

周筱農君來緘囑登

馬克司爲最高學說哀多益寡稱物本施井田主義大同可期宜乎學界風靡抵
 掌研究也諸君有有共產黨執行委員會宣言書一切共產書籍乞郵寄以下三
 處詳細地址當有收據回奉或以相當書籍回贈
 北京總商會正陽門外西珠市口奉天總商會潘陽城內鐘樓南大街上海總商
 會圖書館上海鐵大橋北天后宮間壁永久保存共同研究也

第二十九號 廣告門

一頁一三

第二十九期 廣告門

崇德醫科大學
新同德社出版
新 同 德

一百十四

一名「崇德醫藥月刊」

宗 旨 專門介紹德國最新醫藥知識指導民衆衛生

內 容 分評論學說醫學新藥介紹常識衛生醫事新聞文藝專載等欄多七萬餘言

(定 價) 本刊用道林紙精印每月一册實售大洋二角全年十二册兩元郵費加一

(總發行所) 上海 麥根路 崇德醫科大學 新同德社

中華民國十五年四月出版

編輯兼發行所

山西太原省城新民街即精營東二道街北首門牌第一號
中 醫 改 進 研 究 會

信 實 進 取 愛 羣

一 意 注

本雜誌每兩月一冊全年六冊如承訂請寄現款郵真代價九五折扣以三分以下者為限但郵票必須間以蠟紙如無蠟紙致不能揭開者不收

價 目	價 目	價 目
全 年 六 冊	半 年 三 冊	零 售 一 冊
大 洋 八 角	大 洋 四 角	大 洋 一 角 五 分
郵 費 九 分	郵 費 四 分 半	郵 費 一 分 半

二 意 注

本雜誌為提倡醫藥學起見凡有著名醫家及經驗良好藥品願登廣告者列表於下

廣 告 價 目	廣 告 價 目	廣 告 價 目
全 頁 數	半 頁 數	四 分 之 一 頁
兩 月 一 期	半 年 三 期	全 年 六 期
大 洋 四 元	大 洋 十 元	大 洋 十八元
大 洋 二 元	大 洋 五 元	大 洋 八 元
大 洋 一 元	大 洋 二 元	大 洋 三 元